

地 183
39
部 = 61

76587

甘肅全省新通志

卷 柒拾陸

甘肅新通志卷之七十六

列女一

漢劉向傳列女至班昭復作女誡德言容工謂之四德就處常言之也若乃黃鵠早寡志矢柏舟上事舅姑下撫遺孤飲冰茹荼皓首完貞卓哉尙已又如一失所天或立時引決或從容就義視忠臣殉國何多讓焉此外守貞不字並養親終年者亦其至性過人爲古今罕觀之數至於遭時喪亂恐被污辱仰藥自盡者有之被擄不屈甘蹈白刃者有之懍懍生氣不愧巾幗丈夫惜湮沒弗彰者多矣姑就採訪所及輯錄於後

蘭州府

晉羊耽妻辛氏字憲英狄道人魏侍中毗之女也聰慧有才鑒初魏文帝得立爲太子抱毗項曰辛君知我喜否歸告憲英歎曰太子

甘肅新通志

卷七十六

人物志

列女一

一

代君主宗廟社稷者代君不可以不戚主國不可以不懼宜戚而喜何以能久魏其不昌乎弟敞爲曹爽參軍司馬懿將誅爽閉城門敞懼問憲英憲英曰事有不可知然以我度之此舉不過以誅爽耳敞曰然則敞可無出乎曰安可以不出職守人之大義也爲人執鞭而棄其事不祥也汝從眾而已敞遂出事定敞歎曰吾不謀於姊幾不獲於義鍾會爲征西將軍將滅蜀憲英謂耽從子祐曰會在事縱恣非持久處下之道吾慮其有他志也及會將行請其子琇爲參軍憲英曰行矣戒之古之君子入則致孝於親出則致節於國在職思其所司在義思其所立不貽父母憂患而已軍旅之間可以濟者其惟仁恕乎會至蜀果反琇竟全歸辛之識見類如此

李嵩前妻辛氏同郡辛納女貞順有婦德先卒嵩親爲之誄

散騎常侍梁緯妻辛氏狄道人緯爲散騎常侍西都陷沒爲劉曜所害辛氏有殊色曜將取之辛氏據地大哭仰謂曜曰妾聞女不再醮妾夫已死理無獨全乞就死地下事舅姑遂號泣不止曜曰貞婦也任之乃自縊而死曜以禮葬之

北魏侍中辛少雍妻王氏狄道人有德義與其從子懷仁兄弟同居懷仁等事之甚謹閨門禮讓入無比焉士大夫以此稱美

北周驃騎大將軍柴烈妻李氏狄道人幼而聰敏早聞令淑年十有七適烈保定二年册授大夏縣君遷順陽改郡君

隋渭源令裴倫妻柳氏薛舉之亂倫遇害氏有二女及兒婦皆有色氏謂曰我輩遭逢禍亂若辱於賊其如汝父之死義何女婦垂涕曰惟母所命氏自投於井女婦相繼而下皆死井中

唐常州刺史楊德裔妻李氏狄道人生而深純幼而恭敬長而敦睦成而惠和年及初笄歸德裔閨門之內穆如也

金臨洮總管陀滿胡土門妻烏古論氏伯祥之妹伯祥朝貴中聲譽藉甚胡土門死王事崔立之變衣冠家婦女多爲所污氏謂家人曰吾夫不辱朝廷我敢辱吾兄及吾夫乎卽自縊一婢從死

元李茂德妻張氏狄道人少穎異父楸奇之及長而難於擇配時里人結詩社茂德以童子與焉有筍抽過舊竹梅落剩閒枝之句楸大喜遂以女妻之時年十七後生子庸甫六歲夫亡翁姑憐其少令改適氏題詩壁上曰挺志青松操持身白玉姿天如憐薄命此去變男兒書罷欲自殺翁涕泣諭之乃引刀截髮以矢靡它有司以聞詔旌之庸至正間同知濟南路總管府事贈父隴西郡伯封母隴西郡夫人

明曹友妻王氏狄道人友爲廣東瓊山縣丞卒於官子復天氏撫育

幼孫苦節終身洪武中旌表

董守中妻毛氏狄道毛芾女守中舉賢良任四川布政司都事卒於官氏聞訃遂自縊

王紹春妻魏氏狄道人年十九夫亡以貧故自負土築夫墳既葬紡績奉姑撫孤宗道成立守節五十餘年卒永樂中旌表

史應明妻嚴氏本山東人其家隨肅莊王遷於蘭年二十三夫亡紡績撫孤國光成立守節終身肅藩上聞旌表

陳中甫妻丁氏崑山人隨父晉戍河湟年二十五贅中甫於家甫八月夫卒遺腹生女守節以終

徐仁得妻孟氏蘭州人年二十九夫亡撫孤思溫成立以鄉舉任湖廣藍山縣丞卒於官氏又撫遺孫友諒守節終身永樂中旌表

順妃張氏臨洮衛指揮羽之季女永樂初應聘入侍東宮仁宗卽

甘肅新通志

卷七十六

人物志 列女

三

位遂進順妃卒諡貞靜

吳華妻熊氏河州人年二十四夫亡孝奉翁姑撫孤成立守節五十年卒正統十四年旌表

吳昺妻倪氏河州人年二十七夫亡孝奉翁姑撫孤成立守節五十年卒天順五年旌表

朱顯妻張氏河州人年十九夫亡無子孝奉翁姑守節終身天順八年旌表

滕倫妻宋氏蘭州人年二十四夫亡家貧撫孤成立守節五十五年卒宏治間旌表

生員劉奎妻宋氏狄道人年二十四夫亡撫孤成立後子亡又撫遺孫守節六十餘年卒宏治十八年旌表

生員甄鼎妻韓氏渭源人正德中兵亂執鼎及氏欲辱之大罵不

屈遂遇害

生員張通妻王氏狄道人年二十六夫亡遺孤世安甫一歲奉姑撫孤富豪某聞其賢欲謀而醮之氏奮罵以砒霜自隨人莫敢犯守節四十年卒嘉靖間旌表同時名人多贈詩文楊繼盛爲之序魏大信妻任氏狄道人夫亡自縊以殉

張侃妻李氏河州人夫亡氏有姿色父母欲奪其志氏以藥瞽其一目遂孝奉翁姑撫孤成立守節終身嘉靖間旌表

生員李時郁妻陳氏河州人夫亡次日自縊時年二十四

雷圮妻邱氏河州人年三十夫亡撫孤成立守節七十五年卒嘉靖間旌表

生員王約妻李氏河州人年二十七夫亡撫孤登成立後登又早亡媳楊氏年二十六奉孀姑撫遺孤姑守節三十九年卒媳守節

甘肅新通志

卷七十六

人物志 列女一

四

四十八年卒

徐理妻王氏河州人年二十二夫亡孝奉孀姑撫孤成立守節五十五年卒嘉靖間旌表

王錦繡妻謝氏河州人年二十六夫亡撫孤成立守節五十年卒嘉靖間旌表

指揮姚甯妻金氏河州人年二十二夫亡撫孤成立襲父職守節六十一年卒甯弟憲妻雷氏于歸甫一年夫亡用艾自炙其面撫遺孤守節終身嘉靖間旌表

雷得時妻楊氏河州人年二十四夫亡撫孤成立守節五十年卒馬廷鳳妻羅氏河州人年二十五夫亡撫孤成立守節四十餘年卒事聞旌表

張賓妻王氏臨洮衛人年二十七夫亡無子孝奉孀姑撫夫姪爲

嗣守節終身有司表之

千戶李旺妻段氏蘭州人南陽知府堅之妹旺死石城之難氏年三十值歲饑日食糠覈撫孤成立守節三十七年卒

司偉妻王氏狄道人年十六夫亡孝奉翁姑撫遺腹子成立守節四十四年卒

張銓妻司氏狄道人年二十三夫亡撫孤成立守節四十餘年卒
張紀妻王氏狄道人早年夫亡撫孤成立守節五十餘年卒

文載道妻魏氏狄道人載道赴選卒於京氏年二十六遺孤來鳳甫七歲貧不能歸櫬稱貸於鄉之京寓者母子徒步扶柩歸葬撫孤成立守節終身

劉澤妻曹氏狄道人年二十夫亡孝奉翁姑撫孤成立守節四十六年卒巡撫某表其間

甘肅新通志

卷七十六

人物志

列女一

五

張烈女小字喜英狄道人字李奉元未歸奉元歿訃聞父母往弔女自縊於家巡方某上其事旌表入祠

趙鏗妻滕氏狄道人夫亡矢志守節孝奉孀姑姑歿哭不絕聲飲食不入口浹旬而卒時年二十一

生員張建中妻趙氏狄道人夫亡遺一女在襁褓撫育成入及適人饌女畢卽鍵門焚香再拜自縊女發嫁時衣笥已有齊衰一襲萬厯間旌表

田俊妻尙氏狄道人年二十八夫亡孝奉孀姑撫遺孤兼撫夫姪守節終身

趙鶴齡妻王氏狄道人于歸甫四年夫亡孝奉孀姑撫孤成立守節三十餘年卒

方瑄妻袁氏狄道人年二十四夫亡孝奉翁姑撫遺孤後子又早

亡復撫夫姪爲嗣守節三十九年卒

雍不敏妻魏氏狄道人年二十九夫亡撫孤成立守節四十餘年卒

百戶蔣汝勤妻李氏狄道人年二十四夫亡孝奉孀姑撫孤成立襲父職守節四十年卒

百戶潘榮妻趙氏狄道人早年夫亡撫孤成立襲職子又早亡媳劉氏年二十五奉孀姑撫遺孤姑媳均守節終身

邢福妻閔氏狄道人早年夫亡撫孤成立守節五十年卒

王靈妻馮氏狄道人年二十四夫亡撫孤衡成立守節終身

王守山妻魯氏狄道人年二十九夫亡撫孤宗舜成立入庠守節三十四年卒

姚登明妻郝氏狄道人年二十四夫亡孝奉翁姑撫二孤成立長

甘肅新通志

卷七十六

人物志 列女一

六

子俊入庠孫之瑄舉于鄉守節七十四年卒

陳懋妻楊氏狄道人年二十二夫亡孝奉孀姑撫孤成立次子入庠守節五十六年卒

張斌妻朱氏涇源人夫亡於京氏憂泣不食數日而卒

鍾昇妻邢氏蘭州人年二十九夫亡孝奉孀姑撫孤成立守節六十年卒

吳彥高妻萬氏蘭州人其姑病劇氏稽首北辰割股作羹以進尋病愈後夫亡守節六十年卒

曹洪妻吳氏蘭州人年二十七夫歿於蜀孝奉翁姑撫孤成立守節終身

金鑽妻馮氏蘭州人年二十二夫亡孝奉翁姑撫孤成立入庠守節七十餘年卒

譚宗良妻梁氏蘭州人于歸二年宗良行商三十餘年不歸別娶生子氏紡績自甘操守不渝宗良旅卒氏取夫庶子歸家撫養成
立年六十以節卒

蔡靈妻于氏蘭州人靈於天順間從征賊刃斷左股輿至家卒氏
紡績奉翁姑撫孤守節五十年卒

郭盛妻相氏蘭州人年二十三夫亡撫孤成立守節四十六年卒
指揮陳溥妻滕氏蘭州人早年夫亡無子守節四十年卒

肅世子如晏氏臨洮衛指揮晏欽之女有淑德藩府重之

監生李達妻高氏蘭州人早年夫亡撫孤芝成立入庠守節終身
黃珍妻楊氏蘭州人年十七字黃珍未歸珍商遊江南不歸氏父
母相繼亡貧苦特甚躬勤紡績不出中門以死自誓越三十年珍
始歸以禮迎娶人以完節稱之

甘肅新通志

卷七十六

人物志

列女一

七

高英妻樹氏蘭州人年二十七夫亡撫孤源成立守節五十年卒
監生金志妻劉氏蘭州人年二十六夫亡無子孝奉翁姑翁姑歿
家貧無告依母家四十年卒

蔡瑄妻滕氏蘭州人于歸方五月夫業賈旅卒撫遺腹子諒成立
守節終身

貢生蘇源妻石氏蘭州人源入監旅卒無子四女俱幼氏紡績撫
養出嫁三女相繼亡季女適沈訓者迎養氏獨居一小樓如處子
然年七十四以節終

義官龔振妻顧氏蘭州人于歸後事翁姑以孝聞姑嘗病氏割股
和藥以進病尋愈年七十三卒邑人聊讓銘諸墓極著其孝

趙剛妻戴氏蘭州人年二十夫亡孝奉孀姑撫孤成立守節四十
三年卒郡人彭澤嘗書節孝以旌之

生員陳師夔妻邵氏金縣人夫亡二日自縊柩前

金鼇妻漢氏金縣人年二十夫亡撫孤成立守節七十年卒萬曆
中旌表

金國宗妻陳氏金縣人夫亡第七日以首擊柱未死抵暮自縊時
年十八

文晉妻陳氏蘭州人晉以郡吏給文赴京氏從之晉卒哀毀幾絕
其族弟慕氏色冀託櫬同歸氏佯許之是夕自縊死郡人公治棺
買地合葬燕郊

吳孝女蘭州吳淑乾之女年十四父病割股和藥以進傷重危甚
有一老人遺藥敷之遂愈不知老人爲誰後適指揮劉麟

鉞山王繼妃楊氏蘭州人省祭官楊桐女年十六選爲王繼妃未
娶王薨矢志守節遂留宮闈撫滕子如已出萬曆二十八年建坊

甘肅新通志

卷七十六

人物志 列女一

八

旌表

高懷義妻陶氏蘭州人年十七夫亡無子坐卧一小樓以女紅自
養者五十餘年鄉里公鳴當道肅藩矜其節歲給米薪布帛

劉應舉妻高氏蘭州人年二十夫亡無子守節七十年卒

生員陸永福妻唐氏蘭州人年二十九夫亡孝奉孀姑撫二孤成
立同入庠守節終身

生員楊名顯妻朱氏蘭州人年二十夫亡撫孤並夫姪均成立守
節終身

戴文光妻楊氏蘭州人夫亡泣血三年服闋之日絕飲食自盡肅
藩上聞旌表

蘭州舉人段鏗妻楊氏安定人夫亡自縊死

生員楊鴻妻鍾氏金縣人年二十夫亡孝奉翁姑撫孤成立守節

七十年卒

生員劉濂妻周氏河州人夫亡號泣不絕七日而卒時年二十五
監生金崑妻黃氏河州人年二十夫亡撫孤成立守節五十年卒
劉烈女小字秋喜河州劉思信文字義官任連子國卿未歸國卿
病亡女欲往弔母不允痛哭不食次日平旦整衣裳投井死事聞
旌表給塋田與國卿合葬

田烈女靖虜衛人字生員張廷表未婚廷表卒女悲泣欲奔喪父
母阻之抑鬱不食死

朱麟妻李氏河州人夫亡翁欲奪志當夫三週日祭畢以二子託
於夫兄飲藥卒

聶列女河州指揮聶某女字某未婚婿亡女自縊死
生員袁夢良妻劉氏狄道人夫亡自縊死

甘肅新通志

卷七十六

人物志 列女一

九

楊碩芳妻雍氏狄道人年二十七夫亡撫孤日亨成立入庠守節
五十二年卒

史簡妻王氏臨洮衛人孝奉翁姑姑病篤氏籲天哀禱願以身代
夜夢神語曰爾孝婦也當生爾姑以全爾孝不數日姑病果愈中
年夫亡撫孤成立入庠守節終身

陳璽妻王氏蘭州人夫亡撫孤成立守節五十餘年卒

顧讓妻王氏蘭州人夫亡撫孤成立守節終身

李章妻徐氏蘭州人夫亡撫孤成立守節終身

党文得妻閻氏蘭州人夫亡撫孤成立守節終身

趙海妻彭氏蘭州人夫亡撫孤成立守節五十餘年卒

曹轍妻傅氏蘭州人夫亡撫孤成立守節六十餘年卒

孫謀遴妻傅氏蘭州人夫出征陣亡氏紡績奉姑撫孤顯成立守

節終身顯性至孝母卒哀毀不食氣絕數次弔者皆爲歎息

張燦妻李氏臨洮衛人年二十五夫亡撫孤成立守節六十年卒

生員石朝用妻張氏狄道人生子懷德甫九日夫亡欲自盡父母防之暗解護心帕縊死時年二十二

楊才妻趙氏狄道人早年夫亡撫孤成立守節四十年卒已蒙旌表

生員袁暹妻王氏狄道人早年夫亡長子亦天紡績撫次子成立入庠守節終身

石貞乾妻邢氏狄道人早年夫亡撫孤成立守節四十餘年卒

生員衛賓妻徐氏河州人年二十八夫亡撫孤成立守節三十五年卒

杜士梅妻宋氏河州人早年夫亡撫孤成立守節三十餘年卒

甘肅新通志

卷七十六

人物志 列女一

十

潘希雍妻姚氏河州人年二十六夫亡撫孤成立守節終身梯事親以孝聞

生員薛龍妻馮氏靖虜衛人夫亡號泣不食三日姑力勸之乃強起奉姑撫孤守節六十年卒

李源妻薛氏靖虜衛人早年夫亡撫孤成立守節終身

杜世昌妻雷氏靖虜衛人早年夫亡撫孤成立守節終身

指揮裴佐妻劉氏靖虜衛人年二十四夫亡止遺一女守節五十餘年卒

都指揮吳崇光妻裴氏靖虜衛人事蹟莫攷節孝坊在衛城南街

盧葦妻于氏靖虜衛人早年夫亡撫孤成立守節終身已蒙旌表

馬相妻閻氏靖虜衛人早年夫亡撫孤成立守節終身已蒙旌表

潘玉妻閻氏靖虜衛人年二十七夫亡撫孤月階成立守節終身

張甲撰妻黃氏靖虜衛人年三十夫亡撫三子成立守節三十四年卒

王可久妻閻氏靖虜衛人年二十七夫亡撫孤迪祥成立後子媳相繼亡復撫遺孫天佑守節終身

張烈女靖虜衛人字生員陳嘉賓未婚嘉賓卒女悲泣數日不食父母慰以將別擇良配女曰既許陳家又將許誰遂自縊死

生員秦述古妻王氏靖虜衛人夫亡即日自刎死已蒙旌表

李成茂妻韓氏靖虜衛人夫以經催餉糧受刑自縊氏方歸母家聞之自刎死已蒙旌表

肅王妃顏氏趙氏蘭州人崇禎十六年流寇陷蘭城顏與趙氏顧氏倉卒登北城將投河賊追急顏遽以首觸肅先王所書碑死趙氏顧氏亦殉 國朝陝甘總督左宗棠建烈妃廟以祀

甘肅新通志

卷七十六

人物志 列女一

十一

肅王嬪楊氏田氏蘭州人流寇逼城二嬪盟沐簪服從容投繯宮人從死者二百餘人

千戶呂夢麒妻董氏靖虜衛人夢麒與子和陽同死大廟之難崇禎十六年李標之亂氏爲賊執欲褫其衣氏拒罵曰殺我任爾脫去賊遂殺之

朝生員劉遷妻王氏狄道人明末遷被寇執不屈死氏撫二孤成立守節以終

明百戶范涓妻吳氏蘭州人涓距明時陣亡氏年二十七撫遺腹子承業成立守節四十餘年卒

張友科妻駱氏蘭州人友科早亡順治五年回變氏攜子雲同婦及孫並已嫁女張氏與外孫俱投河死

周烈女蘭州周國璧女順治五年回變與家人避難東灘女年甫

十四爲賊所掠泣謂母曰無憂兒誓不辱也渡黃河至中流猝躍赴水牽賊俱下賊緣馬尾以出女竟溺死

生員王學文妻韓氏蘭州人順治五年回變學文被害氏卽日自縊死其翁收屍合葬焉遺子譽甫四歲

張希堯妻顏氏蘭州人年十九適希堯順治五年逆回攻河州城希堯爲戍卒中礮亡氏聞痛哭自縊死

廩貢生韓陞寵妻周氏蘭州人年十九夫亡卽絕粒母及諸親以有遺腹相勸始少進飲食及產弗存遂不食死

武舉楊智妻李氏蘭州人守備李必因女智會試北上卒於道櫬歸先一日氏始知夜半整衣自縊死

舉人高登嶽曾祖母齊氏蘭州康乾間人年十九夫亡無子以夫姪爲嗣守節三十餘年卒

甘肅新通志

卷七十六

人物志

列女一

十一

馮全一妻楊氏蘭州人年二十五夫亡子俱幼家貧晝勤鍼術夜舂杵日三旬之中嘗九食焉康熙五十六年三子榮澤被賊傷死氏一痛而卒

于養鑑妻陳氏蘭州人年二十二夫亡勺水不入口者三日一夕自縊柩旁死

王三閏妻張氏蘭州人年二十二夫亡撫屍大慟曰俟我同去日暮潛投黃河死

楊鍾淑妻陳氏蘭州人年十七夫亡撫遺腹子倫成立後子又亡復撫遺孫守節六十餘年卒

生員方策妻陳氏蘭州人年二十六夫亡家貧守志凍餒自甘撫三子後俱歿復撫幼孫成立苦節五十餘年卒

王承禮妻周氏皋蘭人年二十夫亡子甫三歲家貧苦節自守子

死復撫孫成立守節七十餘年卒

程翔妻李氏皋蘭人年二十九夫亡守節撫孤壽百有一歲召親族訣別沐浴端坐而逝雍正三年 旌表

孔啟忠妻楊氏皋蘭人夫亡伯叔勸嫁氏自矢撫孤無二志後復遭族人逼遂自縊死

牟元妻廖氏皋蘭人年二十八夫亡子我贈幼家貧氏苦志撫育守節五十餘年卒已蒙 旌表

唐祚堯妻張氏皋蘭人年二十五夫亡子有炎甫一歲撫之入庠守節三十餘年卒已蒙 旌表

張從發妻許氏皋蘭人年二十七夫亡長子朝相七歲次子朝楨遺腹生苦志教養後俱入庠守節五十餘年卒已蒙 旌表

姚登舉妻王氏皋蘭人事蹟莫攷其 旌表節孝匾額至今尙在

甘肅新通志

卷七十六

人物志

列女一

三

姚誥妻楊氏皋蘭人年二十八夫亡家貧奉翁姑甘旨無缺撫前室二子成立守節五十餘年卒已蒙 旌表

生員方毓賢妻王氏皋蘭人年二十九夫亡姑老三子俱幼仰事俯畜各盡其道守節五十餘年卒已蒙 旌表

劉垣妻張氏皋蘭人年二十二夫亡子兆鳳生甫一月撫育成立守節四十二年卒已蒙 旌表

邱永正繼妻陳氏皋蘭人年二十四夫亡二子智慧俱前室所生撫育成立守節三十九年卒已蒙 旌表

高岫妻呂氏皋蘭人年二十四夫亡家貧凍餒自甘撫二子其閭其闕成立其闕後入庠苦節五十餘年卒已蒙 旌表

高得鳳妻海氏皋蘭人年二十七夫亡姑老子幼以女紅自給守節四十餘年卒已蒙 旌表

胡延壽妻李氏皋蘭人年二十六夫亡家貧子幼翁姑俱老氏紡績奉養守節五十六年卒已蒙 旌表

羅文成妻賈氏皋蘭人年二十五夫亡剪髮毀容矢志撫子子死又撫孫成立守節五十九年卒已蒙 旌表

陳棟妻王氏皋蘭人年二十九夫亡姑老子幼仰事俯育曲盡其道守節四十一年卒已蒙 旌表

王國器妻鄭氏皋蘭人年二十八夫亡家無斗筲氏奉親必求甘旨撫子在宮成立苦節三十四年卒已蒙 旌表

顏鳳朝妻唐氏皋蘭人年二十八夫亡孝事孀姑撫二子成立守節三十八年卒已蒙 旌表

孫爾懋妻賈氏皋蘭人年二十七夫亡奉親撫子紡績自給苦節六十一年卒已蒙 旌表

甘肅新通志

卷七十六

人物志

列女

十四

陳懷妻劉氏皋蘭人年二十五夫亡家貧孝事舅姑撫子成立入庠守節四十三年卒已蒙 旌表

石琦妻岳氏皋蘭人年二十八夫亡斷髮毀容誓不改志奉親撫子克盡其道守節四十餘年卒已蒙 旌表

武生高玉成妻陸氏皋蘭人年二十九夫亡遺孤二撫之成立苦節三十餘年卒已蒙 旌表

生員沈琳妻朱氏皋蘭人年二十九夫亡家貧撫孤成立苦節五十餘年卒已蒙 旌表

陳忠長妻孫氏皋蘭人年二十八夫亡子在襁褓撫育有成苦節五十七年卒已蒙 旌表

王者權妻孔氏皋蘭人年二十三夫亡撫子三統入庠苦節五十八年卒已蒙 旌表

守備邸連捷妻張氏皋蘭人年二十八夫亡引刀斷髮誓志撫孤
守節四十六年卒已蒙 旌表其子以孝聞

王見龍妻陳氏皋蘭人年二十九夫亡事親盡孝撫孤有成守節
五十餘年卒已蒙 旌表

李文選妻胡氏皋蘭人年二十五夫亡子福甫五歲教養成立艱
苦備嘗守節三十七年卒已蒙 旌表

崔萬峯妻楊氏皋蘭人年二十六夫亡力田撫孤屢經困頓守節
三十餘年卒已蒙 旌表

顏鳳文妻崔氏皋蘭人年二十二夫亡舅姑老子秉禮幼藉女紅
奉養守節四十六年卒已蒙 旌表秉禮後入郡庠

盧英妻張氏皋蘭人年二十四夫亡無子撫屍痛哭觸棺死已蒙
旌表

甘肅新通志

卷七十六

人物志 列女一

五

金探妻王氏皋蘭人年二十七夫亡孝奉衰翁撫遺腹子守德成
立守節三十餘年卒已蒙 旌表

靳登策妻馬氏皋蘭人年二十二夫亡翁年七十餘孝養不怠子
文煥三歲撫育有成後充郡武生守節三十餘年卒已蒙 旌表

楊爾楠妻張氏皋蘭人年二十七夫亡遺腹生子祖姑暨翁姑相
繼棄世子亦夭亡哭泣喪明撫夫姪爲嗣守節四十餘年卒已蒙

旌表

楊積榮妻安氏皋蘭人年二十六夫亡翁老二子俱幼守節五十
餘年卒已蒙 旌表

劉時和妻王氏皋蘭人年二十六夫亡家貧二子尚幼親友有周
恤者謝卻之子後俱成立苦節三十餘年卒已蒙 旌表

史瑜妻徐氏皋蘭人年二十二夫亡子生甫三月織褐自給瑜弟

某夫婦俱亡遺子女各二氏並撫養成立守節三十餘年卒已蒙旌表

武舉楊振關妻鄭氏皋蘭人振關會試歿於京邸氏年二十奉養舅姑撫孤成立守節三十一年卒已蒙旌表

顏偲如妻徐氏皋蘭人年二十六夫亡奉親撫孤毫無懈志子亡復撫孫秉雍入庠苦節四十六年卒已蒙旌表

方洛妻金氏皋蘭人年二十六夫亡家貧竭力事親撫二孤成立相繼早逝又撫二孫苦節三十六年卒已蒙旌表

劉珠妻王氏皋蘭人年二十二夫亡家貧子顯祖三歲撫之成立苦節三十七年卒已蒙旌表

曾欽妻顏氏皋蘭人年二十七夫亡三子俱幼紡績撫育後俱成立守節五十餘年卒已蒙旌表

甘肅新通志

卷七十六

人物志 列女一

六

孫惠妻吳氏皋蘭人年二十二夫亡子幼姑老竭力奉養守節四十六年卒已蒙旌表

駱宏基妻劉氏皋蘭人年二十四夫亡翁姑老三子俱幼氏奉親撫孤未嘗少懈已蒙旌表長子親賢入邑庠

匡九成妻韓氏皋蘭人年二十八夫亡孝事舅姑撫育三子守節五十八年卒已蒙旌表

徐連妻李氏皋蘭人年二十五夫亡守節三十餘年卒庠生孫九成妻李氏皋蘭人年二十五夫亡無子姑老家貧紡績

守志撫夫姪爲嗣守節終身彭國祿繼妻劉氏皋蘭人年十八夫亡三子皆前室所生撫育成立長子尙賢入庠季子尙斌武舉守節四十五年卒

孔得訓妻張氏皋蘭人年二十二夫亡三子俱幼撫育成立守節

四十餘年卒

孔啟元妻王氏皋蘭人年十九夫亡子祥甫一歲矢志撫育守節三十六年卒

庠生朱近聰妻羅氏皋蘭人年二十五夫亡事姑撫孤各盡其道郡守旌之守節四十餘年卒

李守祥妻孔氏皋蘭人夫亡翁姑老撫三歲子暨孤姪二人成立後俱以孝友聞守節終身

王基倫妻翟氏皋蘭人年二十二夫亡二子俱幼撫之成立守節六十餘年卒

李國明妻楊氏皋蘭人年二十八夫亡家計貧窶凍餒自甘撫三子俱成立守節四十九年卒

李寬妻孔氏皋蘭人年二十九夫亡奉親撫孤孝慈兼盡守節三十七年卒

甘肅新通志

卷七十六

人物志

列女一

十七

蕭秀妻牛氏皋蘭人年二十夫亡子繼漢在襁褓矢志撫養繼漢歿撫遺孫五人俱成立守節終身

任鳳邦母党氏皋蘭人年二十二夫亡子鳳邦甫一歲教養成立郡守旌之守節終身

蔡其昌妻陳氏皋蘭人年二十夫亡哭泣勺水不入口越日縊死生員彭好商妻石氏皋蘭人年二十三夫亡子登龍甫一歲撫之成立苦節三十年卒

暢文彩妻蔡氏皋蘭人年二十三夫亡孝事翁姑子愷甫三歲撫之成立守節三十四年卒

張啟賓妻楊氏皋蘭人夫亡守節子復夭歔哭自縊死

邵士達妻李氏皋蘭人年二十五夫亡誓志從死母勸諭之泣曰

適夫八載無子宜死一也有叔事舅姑宜死二也越四日絕粒死
邵士謙妻王氏皋蘭人年二十五夫亡姑近七旬子甫二歲孝養
備極艱苦守節三十五年卒

龔從善母孫氏皋蘭人年二十五夫亡撫孤從善成立守節終身
張淑妻張氏皋蘭人年二十四夫亡家貧撫遺腹子大仁成立守
節三十餘年卒

陳焯妻石氏皋蘭人年二十三夫亡撫一歲子達元成立守節三
十餘年卒

陳秉仁妻封氏皋蘭人年二十四夫亡孝奉衰翁撫孤成立守節
三十餘年卒

王一言繼妻崔氏皋蘭人年十九適一言未數年一言死撫前室
子親儒成立守節終身

甘肅新通志

卷七十六

人物志

列女一

六

王朝柱妻楊氏皋蘭人年二十五夫亡子親臣夭逝遺孫三人撫
育成立守節四十五年卒

張瑣妻楊氏皋蘭人年二十九夫亡撫孤朝輔入庠守節三十七
年卒

生員毛翥妻王氏皋蘭人年十九夫亡姑老子繼亨甫二歲守節
三十二年卒

崔悅妻盧氏皋蘭人年二十九夫亡子運亨幼家貧無依勤女紅
自給守節五十餘年卒

王得俊妻于氏皋蘭人年二十九夫亡子方一歲誓不改志守節
四十年卒

田啟蔭妻張氏皋蘭人年二十八夫亡家貧二子俱幼藉紡績撫
育成立守節六十一年卒

吉芳妻李氏皋蘭人年二十八夫亡子丁輔三歲矢志撫育苦節五十五年卒

張如朋妻張氏皋蘭人年二十九夫亡家貧子洪有二歲撫養成立守節五十五年卒

生員劉順妻張氏皋蘭人年二十八夫亡家貧躬耕養祖姑及姑守節四十年卒

生員陳書妻田氏皋蘭人年二十八夫亡家貧糊錫箔銀謀生手指爲之皸瘃奉姑終老教子成立守節終身

趙光敘妻張氏皋蘭人年二十夫亡子檜甫一歲撫育守節三十五年卒

黃錫妻彭氏皋蘭人年二十八夫亡二子俱幼甘貧守節三十六年卒

甘肅新通志

卷七十六

人物志 列女一

九

朱榮昌繼妻彭氏皋蘭人年二十三夫亡家貧子璠三歲前室子瑋九歲氏撫之成立二子早逝遺孫六人復撫育成立巡撫旌之璠亡時媳謝氏年二十七奉孀姑撫遺孤姑守節四十一年卒媳守節四十年卒

匡寅妻喬氏皋蘭人年二十二夫亡孝事翁姑撫一歲子希孟成立守節四十餘年卒

劉登第妻柴氏皋蘭人年二十一夫亡孝事翁姑子士璧甫一歲撫之入庠守節三十五年卒

楊自材妻海氏皋蘭人年二十九夫亡二子俱幼紡績撫養成成立守節四十六年卒

王堅積妻孟氏皋蘭人年二十七夫亡子甫二歲守節三十餘年卒

王君義妻徐氏皋蘭人年二十八夫亡撫子伏懷成立伏懷死孫幼復撫育之守節四十餘年卒

何天祥妻馬氏皋蘭人年二十九夫亡撫孤成立守節二十五年卒

王澤補妻李氏皋蘭人年二十八夫亡撫二子成立守節四十五年卒

劉全業妻陶氏皋蘭人年二十八夫亡家貧撫孤成立苦節三十餘年卒

王景妻周氏皋蘭人年二十八夫亡家貧子幼守節三十餘年卒
張九如妻徐氏皋蘭人年二十四夫亡子宏祚幼苦志撫育宏祚死復撫遺孫守節六十八年卒

王惠通妻寇氏皋蘭人年二十一夫亡撫遺腹子成立守節四十

甘肅新通志

卷七十六

人物志 列女一

三

餘年卒

劉世勛妻劉氏皋蘭人年二十九夫亡撫孤成立入庠守節四十餘年卒

牟元喜妻湯氏皋蘭人年二十二夫亡姑老子幼勤女紅以養苦節三十二年卒

王繼蘭妻楊氏皋蘭人年二十九夫亡子得選一歲撫之成立守節三十餘年卒

王元妻宋氏皋蘭人年二十九夫亡矢志撫孤守節三十四年卒
史紹智妻劉氏皋蘭人年二十五夫亡上奉翁姑下撫孤子苦節三十餘年卒

史鎔妻顏氏皋蘭人年二十七夫亡撫三子成立守節三十餘年卒

段世重妻楊氏皋蘭人年二十八夫亡撫孤成立守節三十餘年卒

彭述賢妻沈氏皋蘭人年十九夫亡孝奉孀姑撫孤成立苦節三十四年卒

傅瑄妻劉氏皋蘭人年二十八夫亡撫孤成立守節四十三年卒
徐備善妻祁氏皋蘭人年二十九夫亡家貧以針帶度日撫二子成立苦節三十七年卒

陸潤妻楊氏皋蘭人年二十六夫亡家貧以紡績撫二子成立守節四十餘年卒

崔輔朝妻杜氏皋蘭人年二十七夫亡撫二子爾勛爾月成立守節三十八年卒

張紹妻呂氏皋蘭人年二十一夫亡家貧撫二孤長子武功入庠

甘肅新通志

卷七十六

人物志 列女

三

守節三十年卒

陳嘉桂妻史氏皋蘭人年二十二夫亡撫一歲子元善成立入庠守節三十餘年卒

戴誌禮妻王氏皋蘭人年十九夫亡無子撫嗣子成立守節三十四年卒

生員林浩妻王氏皋蘭人年二十七夫亡翁姑老子甫一歲未幾夭亡繼夫姪爲嗣守節三十七年卒

陳桂妻王氏皋蘭人年二十八夫亡孝奉舅姑撫四子成立次子布舉武鄉試官甘肅撫標千總守節三十餘年卒

曹成德妻梁氏皋蘭人年二十八夫亡撫孤焯成立守節十七年卒

陳嘉棟妻顏氏皋蘭人年二十二夫亡翁姑俱老子甫二歲仰事

俯育毫無懈志守節四十餘年卒

生員高其閼妻葉氏皋蘭人其閼赴陝西鄉試歿於長安旅舍子德讓生甫八月孀姑呂氏已老氏年二十四紡績奉養撫子成立守節三十餘年卒

沈廣顯妻閼氏皋蘭人年二十二夫亡撫孤旺成立後旺死復撫孫成立守節六十餘年卒

丁蓮母邱氏皋蘭人年十七適蓮父甫八月夫亡遺腹生蓮孝事舅姑撫孤成立守節四十餘年卒

顏鳳羽妻程氏皋蘭人年十八適鳳羽姑已亡事舅二十五年敬謹不懈舅有疾鳳羽日侍醫藥夜臥榻下氏恆侍窗外數問安否疾愈乃已翁歿哀毀盡禮鄉黨皆稱顏孝婦

岳某妻劉氏蘭州岳家巷人乾隆三十五年歲大饑其翁姑與夫

甘肅新通志

卷七十六

人物志 列女一

三

挈氏自所居赴蘭城求食氏時年十九容色端麗恐爲強暴所辱行至桑園峽之橋頭灣投厓死每夜有聲或哭或笑邑人黃建中江得符哀其義烈立碑道旁爲文記其事聲遂寂然

陳邦孚妻竇氏皋蘭人年二十一夫亡姑憐其少勸他適氏涕泣矢志撫二子守節終身其妹適劉大鱗年二十三夫亡無子或勸其嫁泣謝曰爾知在陳門守節者乎吾姊也我豈不能效之亦以節終已蒙 旌表

武生劉承昭妻段氏弟生員承烈妻戴氏皋蘭人承昭兄弟早故段年二十八戴年三十俱矢志撫孤娣姒雙節鄉人稱之已蒙 旌表

蔣行周妻周氏皋蘭人行周爲兵從征金川陣亡氏年二十九矢志撫子桂守節三十四年桂早歿其妻周氏年二十七事孀姑撫

遺孤亦守節終身一門雙節已蒙 旌表

千總李殿元妻劉氏皋蘭人殿元從征廓爾喀陣亡氏年十九家貧矢志撫孤子秀旣長襲世職補烏魯木齊守備病卒媳趙氏年二十四遺腹生子永泰亦矢志撫之一門雙節已蒙 旌表

劉芄妻宋氏皋蘭人年二十七夫亡事姑極孝撫孤成立入庠守節終身已蒙 旌表

基緒妻徐氏皋蘭人年二十八夫亡家貧女紅自給撫孤成立守節終身已蒙 旌表

徐秉義妻石氏皋蘭人年二十四夫亡家貧勤女紅養親撫孤成立守節終身已蒙 旌表

徐光義妻邢氏皋蘭人年二十六夫亡家貧紡績自給撫二子入庠守節三十六年卒已蒙 旌表

甘肅新通志

卷七十六

人物志 列女一

三

田錫爵妻趙氏皋蘭人年二十八夫亡祖姑老二子俱幼勤女紅以共衣食二子成立守節四十六年卒已蒙 旌表

彭琴鳳妻王氏皋蘭人年二十八夫亡家貧晝勤農事夜作女紅撫孤成立守節終身已蒙 旌表

生員陳玠妻王氏皋蘭人年二十三夫亡翁姑老子幼仰事俯育守節終身已蒙 旌表

呂周儒妻宋氏皋蘭人年二十五夫亡事親孝撫二孤成立守節三十八年卒已蒙 旌表

劉登高妻陳氏皋蘭人年二十三夫亡孝奉翁姑撫孤俊成立入庠守節五十六年卒已蒙 旌表

劉奉瑒妻柴氏皋蘭人年二十五夫亡孝事衰姑撫二子成立守節終身已蒙 旌表

吳昌妻王氏皋蘭人年二十九夫亡孝姑撫孤守節四十九年卒
已蒙 旌表

陳秉忠妻段氏皋蘭人年二十二夫亡孝事衰翁撫二孤成立守
節終身已蒙 旌表

閻環妻楊氏皋蘭人年二十八夫亡奉姑撫孤守節四十三年卒
已蒙 旌表

閻勤龍妻張氏皋蘭人年二十二夫亡孝奉孀姑撫孤成立守節
終身已蒙 旌表

邢貞文妻侯氏皋蘭人年二十七夫亡孝事翁姑撫孤鑪入庠守
節終身已蒙 旌表

張象祖妻陳氏皋蘭人年二十八夫亡孝事翁姑撫遺腹子成立
守節終身已蒙 旌表

甘肅新通志

卷七十六

人物志 列女

十四

陳登科妻蔣氏皋蘭人年二十七夫亡奉親撫孤守節四十年卒
已蒙 旌表

李葦妻王氏皋蘭人年二十九夫以癩疾亡孝事孀姑撫孤成立
守節五十一年卒已蒙 旌表

張申妻牟氏皋蘭人年二十三夫亡勤女紅撫孤成立靜守閨闈
鄉鄰罕見其面守節終身已蒙 旌表

生員王蘊珍妻任氏皋蘭人年二十三夫亡祖翁及翁姑俱在堂
矢志奉養撫二子俱入庠守節終身已蒙 旌表

張俊妻徐氏皋蘭人年二十五夫亡翁姑老生子甫八月矢志孝
養守節四十六年卒已蒙 旌表

呂周謙妻侯氏皋蘭人年二十七夫亡翁姑老子在襁褓奉親撫
孤守節終身已蒙 旌表

張啟貞妻王氏皋蘭人適夫五年夫亡孝事祖姑子夭亡撫繼子
森森死復撫遺孫年六十七以節終已蒙 旌表

楊爾權妻徐氏皋蘭人年二十八夫亡家貧撫孤子授室三載與
媳俱死復撫育孤孫守節終身已蒙 旌表

武舉耿澤涓妻楊氏皋蘭人年二十四夫亡庶姑在堂奉事甚謹
子棟五歲晝則令就外傅夜則以針紉伴讀後棟舉於鄉名列第

四守節終身已蒙 旌表

李蔭妻段氏皋蘭人年二十八夫亡子女俱幼家計艱窘有強其
改醮者峻拒之撫孤成立守節終身已蒙 旌表

范姓妻劉氏皋蘭人年二十八夫亡孝奉翁姑撫孤成立已蒙
旌表

徐英妻談氏皋蘭人年二十八夫亡親族有勸令再醮者厲色拒

甘肅新通志

卷七十六

人物志 列女一

三

之絕其往來守節四十一年卒已蒙 旌表

朱國伯妻楊氏皋蘭人年二十四夫亡家貧教孤子甚嚴小有過
失輒扑責守節三十年卒已蒙 旌表

徐登邦妻黃氏皋蘭人年二十七夫亡孝奉翁姑撫孤成立守節
終身已蒙 旌表

耿銳妻張氏皋蘭人年二十四夫亡事親撫孤苦節三十年卒已
蒙 旌表

趙爾明妻江氏皋蘭人年二十三夫亡無子其母勸再醮力拒之
孝事孀姑撫嗣子以節終已蒙 旌表

李作棟妻曹氏皋蘭人年二十八夫亡守節二十三年卒已蒙
旌表

邢安妻馬氏皋蘭人事蹟莫攷

王運成妻顏氏皋蘭人年二十八夫亡翁姑年俱七旬孝養不忘及卒喪葬盡禮守節終身已蒙 旌表

李積福妻陶氏皋蘭人年二十七夫亡有諷令再醮者正色拒之守節四十五年卒已蒙 旌表

張廷相妻駱氏皋蘭人年二十三夫亡孝親撫孤以節終已蒙旌表

劉成妻陳氏皋蘭人年二十九夫亡家貧女紅自給撫孤成立守節二十餘年卒已蒙 旌表

楊生林妻段氏皋蘭人年二十四夫亡翁姑老奉養盡禮及歿哀毀骨立族黨稱之撫孤成立守節終身已蒙 旌表

第五文燦妻王氏皋蘭人年十八夫亡孝奉翁姑撫孤成立守節六十年卒已蒙 旌表

甘肅新通志

卷七十六

人物志 列女一

三

毛傑妻石氏皋蘭人年二十六夫亡孝事翁姑撫孤成立守節四十年卒已蒙 旌表

任世隆妻孫氏皋蘭人年二十二夫亡家貧孝事翁姑撫孤成立守節終身已蒙 旌表

鄭漢妻王氏皋蘭人年二十二夫亡無子撫夫姪爲嗣嗣子死復繼夫從弟子爲嗣守節終身已蒙 旌表

劉子孝妻李氏皋蘭人年二十八夫亡親老子幼晝紡夜績以供衣食子亦成立守節終身已蒙 旌表

守備毛明妻葉氏皋蘭人年二十八明卒於任撫孤成立守節終身已蒙 旌表

鍾世俊妻王氏皋蘭人年二十二夫亡孝姑撫孤守節終身已蒙旌表

鍾林妻蔡氏皋蘭人年二十八夫亡孝奉翁姑遺孤亡撫繼子成立守節五十六年卒已蒙 旌表

吳國遴妻趙氏皋蘭人年二十六夫亡孝事翁姑撫二子成立守節終身已蒙 旌表

顏文說妻楊氏皋蘭人年二十八夫亡家貧孝事衰姑撫孤成立守節終身已蒙 旌表

張邦俊妻陸氏皋蘭人年二十七夫亡家貧親老勤女紅以養守節終身已蒙 旌表

賈維章妻李氏皋蘭人年二十二夫亡家貧藉鍼帶奉養翁姑撫孤成立守節終身已蒙 旌表

王懷俊妻邵氏皋蘭人年二十八夫亡子甫五歲孝奉孀姑撫子成立守節四十七年卒已蒙 旌表

甘肅新通志 卷七十六 人物志 列女一 三

郝希孔妻王氏皋蘭人年二十九夫亡子甫九歲撫育成立守節五十年卒已蒙 旌表

吳子能妻王氏皋蘭人年二十三夫亡家貧子幼翁姑在堂事畜並藉鍼帶守節終身已蒙 旌表

祁有士妻李氏皋蘭人年二十七夫亡撫孤成立守節終身已蒙 旌表

范學仁妻王氏皋蘭人年二十四夫亡上事翁姑下撫孤子以女紅度日子嚴入庠守節終身已蒙 旌表

生員黃廷獻妻陳氏皋蘭人年二十六夫亡孀姑老子幼勤女紅以養子授室一年而死復撫遺孫入庠食餼守節終身已蒙 旌表

生員徐順義妻林氏皋蘭人年二十一夫亡家貧藉縫紉紡織以

養老姑子生甫四月撫之成立守節終身已蒙 旌表

生員吳國寶妻史氏皋蘭人年二十八夫亡孝奉翁姑撫二子宗伯繼伯俱入庠守節終身已蒙 旌表

邵國伯妻杜氏皋蘭人年二十八夫亡家貧親老勤女紅奉養撫二孤成立守節終身已蒙 旌表

外委張得妻張氏皋蘭人年二十八夫亡孝事翁姑撫孤成立守節終身已蒙 旌表

楊若松妻馬氏皋蘭人年二十六夫亡家貧藉紡織養翁姑撫二孤成立守節終身已蒙 旌表

錢尙臧妻陸氏皋蘭人年二十三夫亡孝事孀姑撫二孤成立守節終身已蒙 旌表

雷緒妻蘇氏皋蘭人年二十七夫亡翁姑俱老子皆幼養飧並資
甘肅新通志 卷七十六 人物志 列女一 三

紡績守節終身已蒙 旌表

宣亨妻何氏皋蘭人年十九夫亡家貧勤紡織事翁姑極孝撫孤守節三十四年卒已蒙 旌表

生員羅爾英妻王氏皋蘭人年二十八夫亡撫夫二幼弟及三子俱成立守節終身已蒙 旌表

許克敬繼妻王氏皋蘭人年十九夫亡孝事翁姑撫前室子及己子俱成立守節終身已蒙 旌表

呂裕源妻周氏皋蘭人年二十六夫亡家貧撫孤成立守節終身已蒙 旌表

金彩妻黃氏皋蘭人年二十七夫亡遺有三子家極貧日則躬挽小磨磨麪作餅鬻之以資餬口夜則紡織伴子讀書後俱成立守節五十八年卒已蒙 旌表

劉得權妻陳氏皋蘭人年二十九夫亡子幼孝事孀姑朝夕相依雖至戚不輕相見子亦成立守節終身已蒙 旌表

雷守體妻安氏皋蘭人年二十九夫亡家貧親老躬耕以養撫五子俱成立守節終身已蒙 旌表

張其孝妻劉氏皋蘭人年二十二夫亡無子孀姑在堂家貧藉鍼紵奉養繼夫從兄子為嗣撫育成立守節終身已蒙 旌表

李滲妻王氏皋蘭人年二十八夫亡翁姑老且貧菽水承歡撫諸孤成立中子華春入庠守節終身已蒙 旌表

張爾能妻張氏皋蘭人年二十八夫亡家貧姑老竭力奉養撫孤成立守節四十年卒已蒙 旌表

孫嗣鳳妻徐氏皋蘭人年二十八夫亡孝事衰姑教二子志仁等以義方志仁充拔貢生守節四十五年卒已蒙 旌表

甘肅新通志

卷七十六

人物志 列女一

三

黃佩蘭妻呂氏皋蘭人年二十夫亡無子孝事翁姑繼夫兄之子為嗣守節終身已蒙 旌表

生員唐永盛妻劉氏皋蘭人年二十八夫亡有遺腹既而生女痛不欲生夫兄以其子許繼為嗣撫之成立守節終身已蒙 旌表

秦基會妻沈氏皋蘭人年二十五夫亡奉翁姑撫孤子以女紅自給守節四十七年卒已蒙 旌表

周榮聖妻鄭氏皋蘭人年二十八夫亡奉翁姑撫孤子以女紅自給守節三十八年卒已蒙 旌表

袁銳妻劉氏皋蘭人年二十五夫從征陣亡奉翁姑撫孤子以女紅自給守節三十四年卒已蒙 旌表

賈正元妻魏氏皋蘭人年二十四夫亡奉養老姑撫孤成立守節終身已蒙 旌表

生員張俊士妻王氏皋蘭人年二十三夫亡翁姑老家貧躬操農事以養撫一孤成立守節終身已蒙 旌表

李元慶妻王氏皋蘭人年二十六夫亡祖翁姑在堂竭力孝養撫孤含芳成立後充歲貢生守節終身已蒙 旌表

金毓彬妻陳氏皋蘭人年十七夫死撒拉回之難奉姑撫孤文震成立守節終身已蒙 旌表

王則陽妻邢氏皋蘭人年二十五夫亡撫遺腹子成立守節四十二年卒已蒙 旌表

陶成璽妻李氏皋蘭人年二十三夫亡孝事翁姑撫二子子死復撫遺孫四人成立守節五十二年卒已蒙 旌表

王建奎妻侯氏皋蘭人年二十三夫亡家貧績麻縷餬日子國生授室而亡又撫遺孫成立守節五十一年卒已蒙 旌表

甘肅新通志

卷七十六

人物志 列女一

三

劉超祖妻趙氏皋蘭人年二十八夫亡家貧親老藉鍼滌奉養撫孤成立守節四十年卒已蒙 旌表

段安仁妻蘇氏皋蘭人年二十五夫亡家苦貧藉女紅養姑撫孤常數日不舉火守節終身已蒙 旌表

生員孫訓庭妻劉氏皋蘭人年二十一夫亡無子事姑孝撫夫姪檜爲嗣守節終身已蒙 旌表

王汶妻劉氏皋蘭人年二十一夫亡無子孝奉翁姑撫夫姪國治爲嗣守節三十年卒已蒙 旌表

崔爾果妻董氏皋蘭人年二十二夫亡孝奉翁姑撫孤成立守節五十年卒已蒙 旌表

楊生珠妻劉氏皋蘭人貢生劉瑞臣女讀書知禮年十九夫亡無子撫夫姪爲嗣親授經業教誨成立守節四十八年卒已蒙 旌

表

蒲漢有妻王氏皋蘭人年二十五夫亡養親撫孤守節三十五年卒已蒙 旌表

陶德妻李氏皋蘭人年二十四夫亡孝奉翁姑撫二子成立守節三十一年卒已蒙 旌表

鄧廷蔚妻鄒氏皋蘭人年二十一廷蔚經商歿於他鄉撫子成立守節四十一年卒已蒙 旌表

劉萬鑑繼妻王氏皋蘭人年二十九夫亡撫前室子及己子成立守節二十七年卒已蒙 旌表

張材妻吳氏皋蘭人年二十二夫亡姻戚以其無子勸令再醮氏矢志奉養孀姑繼夫弟之子錫品為嗣撫育成立守節終身已蒙 旌表

甘肅新通志

卷七十六

人物志

列女一

三

段殿仁妻邵氏皋蘭人年二十五夫亡無子奉養老姑繼族兄子潤為嗣守節二十三年卒已蒙 旌表

吏員楊粹妻林氏皋蘭人年二十九夫亡遺孤又孀姑目昏飲食起居皆待氏而行繼夫兄子泰瑞為嗣教養成立守節二十五年卒已蒙 旌表

柴易傑妻黃氏皋蘭人年二十五夫亡家貧以鍼術奉養孀姑撫孤成立守節五十三年卒已蒙 旌表

袁銳妻劉氏皋蘭人銳充督標營兵從征川陝教匪陣亡氏年二十二家貧翁姑老藉女紅奉養撫孤成立守節三十四年卒已蒙 旌表

陳璦妻楊氏皋蘭人年十九夫亡無子姑卧病五載事之不懈姑歿翁老竭力孝養繼夫姪為嗣守節三十三年卒已蒙 旌表

馮伸儉妻李氏皋蘭人年二十三夫亡家貧藉鍼紵奉養老姑撫孤成立守節四十三年卒已蒙 旌表

邵瑛妻范氏皋蘭人年二十三夫亡家貧以鍼術養親撫二子成立苦節三十一年卒已蒙 旌表

武舉李元愷妻張氏皋蘭人年二十八夫亡無子孝奉翁姑繼夫姪生璧生泮爲嗣守節三十二年卒已蒙 旌表

王安平妻耿氏皋蘭人年二十五夫亡家貧女紅自給撫育子女成立守節終身已蒙 旌表

劉嘉才妻劉氏皋蘭人年二十五夫亡撫孤成立守節十九年卒已蒙 旌表

金福謙妻竇氏皋蘭人年二十八夫亡薄田數畝躬耕自給撫孤滿玉成立守節五十七年卒已蒙 旌表

甘肅新通志

卷七十六

人物志 列女一

三

顏文耀妻王氏皋蘭人年二十六夫亡孝親撫孤守節二十八年卒已蒙 旌表

王琳妻劉氏皋蘭人年二十四夫亡孝養翁姑撫孤成立守節五十六年卒已蒙 旌表

郭尙清妻宋氏皋蘭人年二十七夫亡姑老子永固幼以十指營生守節四十年卒已蒙 旌表

劉鶴繼妻徐氏皋蘭人年二十九夫亡以女紅奉養衰姑撫前室子成立守節三十二年卒已蒙 旌表

劉光璽妻陳氏皋蘭人年二十九夫亡家貧藉紡織撫育遺孤守節三十六年卒已蒙 旌表

鮑升龍妻王氏皋蘭人年二十八夫亡無子家貧資女紅度日繼夫姪澁爲嗣守節四十四年卒已蒙 旌表

李倉妻范氏皋蘭人年二十八夫亡子女俱幼撫之成立長子早
亡復撫遺孫守節四十七年卒已蒙 旌表

呂致中妻馬氏皋蘭人年二十九夫亡孝奉翁姑撫孤成立守節
二十九年卒已蒙 旌表

金爐妻岳氏皋蘭人年二十四夫亡孝事衰姑長子如松二歲次
子如相遺腹生撫之成立守節終身已蒙 旌表

陳璧妻王氏皋蘭人年二十九夫亡孝奉孀姑子在襁褓女遺腹
生夫姪亦幼失怙恃撫之俱成立守節終身已蒙 旌表

張永亨妻盧氏皋蘭人年二十八夫亡養姑撫子夫弟及妻偕亡
遺一子二女視之與己子等後俱成立守節終身已蒙 旌表

徐鏞妻王氏皋蘭人年二十七夫亡奉親撫孤翁姑卒夫弟尙幼
並撫之成立守節四十三年卒已蒙 旌表

甘肅新通志

卷七十六

人物志 列女一

三

張奮基妻成氏皋蘭人年二十三夫亡事姑孝撫二子鐸銘訓育
周至後俱夭亡撫繼孫為嗣守節終身已蒙 旌表

孔佐妻劉氏皋蘭人年二十七夫亡撫孤成立又亡撫孫秉禮成
立守節終身已蒙 旌表

劉生綱妻楊氏皋蘭人年二十八夫亡矢志撫孤子亡媳再醮遺
孤孫琮撫之成立後官督標外委守節終身已蒙 旌表

馬國良妻盧氏皋蘭人年二十五夫亡翁姑老子幼薄田二畝不
足供餽粥以女紅佐之子早亡撫孫成立守節終身

范緒妻蘇氏皋蘭人年二十七夫亡家貧勤紡織養翁姑撫孤成
立守節終身已蒙 旌表

史鑑妻徐氏皋蘭人年二十九夫亡家貧以女紅自給撫二孤成
立守節終身已蒙 旌表

陳建勳妻孟氏皋蘭人年二十八夫亡翁姑相繼逝世家徒四壁藉鍼紉撫孤成立守節終身已蒙 旌表

張得三妻羅氏皋蘭人年二十五夫亡家貧孝事翁姑撫孤成立守節四十年卒已蒙 旌表

李天義妻蘇氏皋蘭人年二十八夫亡薄田數畝辛苦奉親撫孤成立守節終身已蒙 旌表

柴國祥妻韓氏皋蘭人年二十三夫亡孝奉孀姑撫孤成立守節終身已蒙 旌表

陳文秀妻梁氏皋蘭人年二十夫亡家貧有勸令再醮者厲色拒之勤女紅撫孤成立守節終身已蒙 旌表

陳建中妻張氏皋蘭人年二十四夫亡無子繼夫姪爲嗣守節終身已蒙 旌表

甘肅新通志

卷七十六

人物志 列女一

三

李生璽妻劉氏皋蘭人年二十八夫亡翁姑老子幼仰事俯畜備盡婦道守節終身已蒙 旌表

李環妻劉氏皋蘭人年二十九夫亡家貧子幼藉耘耨紡織爲生或有周恤者固卻不受守節終身里黨服其堅貞已蒙 旌表

李連妻段氏皋蘭人年二十八夫亡孝奉翁姑紡織伴子讀書子亡立繼子爲嗣守節三十餘年卒已蒙 旌表

李運通妻邱氏皋蘭人年二十三夫亡無子翁姑旋逝繼夫姪爲嗣守節終身已蒙 旌表

竇學漢妻滕氏皋蘭人年二十六夫亡竭力奉姑撫孤成立守節終身已蒙 旌表

邱維恩妻曹氏皋蘭人年二十四夫亡翁姑繼逝子又早亡繼夫族孫承祀撫育成立守節終身已蒙 旌表

練秉仁妻葛氏皋蘭人年二十二夫亡遺二女親族以其無子勸令改醮矢死不從繼夫兄之子爲嗣守節終身已蒙 旌表

武生徐文彪妻崔氏皋蘭人年二十四夫亡撫三歲孤某後舉武鄉試官督標中營守備守節終身已蒙 旌表

趙珺妻楊氏皋蘭人年二十九夫亡孝事老姑撫孤成立守節終身已蒙 旌表

僧生王法煥妻馮氏皋蘭人年二十三夫亡藉鍼帶上養孀姑下撫二子兼撫夫從兄之子成立守節終身已蒙 旌表

監生趙卿妻蘇氏皋蘭人年二十四夫亡撫孤成立守節二十年卒已蒙 旌表

顧永興妻張氏皋蘭人年二十四夫亡孝翁姑撫孤成立守節三十七年卒已蒙 旌表

甘肅新通志

卷七十六

人物志 列女

三

吳貞妻何氏皋蘭人年十七夫亡家貧勤紡績孝奉翁姑撫孤成立守節三十四年卒已蒙 旌表

李榮廷妻張氏皋蘭人年二十三夫亡孝奉翁姑撫孤成立守節三十四年卒已蒙 旌表

陳琪妻王氏皋蘭人年二十七夫亡翁元愷任漢中府學教授早卒氏孝事孀姑撫三子延春延昌延博俱成立守節二十五年卒已蒙 旌表

劉作貴妻顧氏皋蘭人年二十七夫亡姑老長子世順二歲次子世林遺腹生家貧藉鍼帶以養守節四十四年卒已蒙 旌表

滕繼宗妻李氏皋蘭人年二十二夫亡孝奉翁姑撫孤成立守節三十七年卒已蒙 旌表

顧永翠妻張氏皋蘭人年二十八夫亡孝奉翁姑撫孤成立守節

三十三年卒已蒙 旌表

劉士靜妻唐氏皋蘭人年二十七夫亡無子孝奉孀姑撫夫姪爲嗣嗣子亡撫繼孫承祀守節三十八年卒已蒙 旌表

金守舉妻陳氏皋蘭人年二十六夫亡遺子女各一子玉音甫週歲親族以其家貧勸令改節氏以大義自誓歲荐饑藜藿自甘玉音就外傳每夜以鍼黹伴讀稍懈卽扑責不貸玉音後登鄉薦守節四十餘年卒已蒙 旌表

崔荷妻張氏皋蘭人年二十九夫亡孝奉老姑撫孤成立守節五十餘年卒已蒙 旌表

生員李毓藻妻溫氏皋蘭人年二十八夫亡家貧藉鍼黹養親撫子暮年子死孫天繼夫族孫承祀守節終身已蒙 旌表

蔣玉妻王氏皋蘭人年二十六夫亡無子孝事孀姑撫夫姪守節

甘肅新通志

卷七十六

人物志 列女一

三

終身已蒙 旌表

金耀斌妻李氏皋蘭人年二十八夫亡遺腹生子延連撫養成立守節四十五年卒已蒙 旌表

張繼誠妻顏氏皋蘭人年二十四夫亡遺孤亦天事翁及繼姑甚謹守節三十年卒已蒙 旌表

張榮妻高氏皋蘭人年二十六夫亡事姑撫孤守節終身已蒙 旌表

方建德妻徐氏皋蘭人夫亡無子哭七日夜不絕聲遂自縊死已蒙 旌表

良國運妻梁氏皋蘭人夫早亡氏孀居匪徒羊娃子強姦不從被殺死已蒙 旌表

蔡紹祖妻張氏皋蘭人年三十九夫亡誓以身殉家人防偶懈殺

縊死已蒙 旌表

楊生蓮妻唐氏皋蘭人生蓮兄生元貧而鰥嘗來生蓮家就食氏供給惟謹鄰婦劉李氏造言污蔑之氏聞不甘用剪刀自刺其心死已蒙 旌表

談尙仁妻冒氏皋蘭人年二十二夫亡家人逼令改醮不從七七之夜赴門外哭祭畢投水死已蒙 旌表

張明禮妻彭氏皋蘭人年二十九夫亡長子福方三歲次子祿始生藉鍼帚度日以撫遺孤嘉慶十五年歲饑饕餮不繼時值冬月氏年已四十弟某逼其贅夫養子懼遭強暴閉門不出初猶聞哭泣聲後竟寂然鄰里排闥視之氏屈一膝卧榻上凍餒死矣二子環泣觀者皆流涕已蒙 旌表

丁文年妻楊氏皋蘭人年十八于歸婚甫數月文年以營兵從征

甘肅新通志

卷七十六

人物志

列女一

三

川陝教匪氏取所繡荷囊爲贈相與泣別自是晝勤鍼帚夜篝燈紡織四年中未嘗一出閨門及兩河關之敗文年陣亡靈柩至氏啟視之見髮辮一血蹟隱隱腰帶一上繫荷囊卽臨別時手贈者擗踊號哭慟不欲生是日設靈祭奠以禮掩葬夜至三鼓遂自縊以殉已蒙 旌表

王良佐妻劉氏皋蘭人年十七歸良佐屢生子皆以難產不能舉道光九年氏年三十一復有孕慮絕夫嗣度產期將近自用刀剖腹取子出家人覺而救之已無及逾時氣絕時十二月二十四日事也其子旣出覓乳媪哺養越數日亦死

楊福生妻喬氏皋蘭人年二十九夫亡孝奉翁姑遺子廷秀誨之嚴後登鄉薦授知縣分發直隸到省兩月卒家益貧氏復撫遺孫成立守節五十年卒

彭登龍妻李氏皋蘭人年十九夫亡遺腹生子掄教養成立入府庠家夙貧藉鍼黹資生守節二十七年卒

劉取伯妻趙氏皋蘭人年二十九夫亡遺腹孿生二子撫育成立母施氏無子迎養終身邑人以節孝稱之

王世琦妻劉氏皋蘭人年二十一夫亡孝奉翁姑撫孤成立守節三十餘年卒

武舉杜光漢妻張氏皋蘭人年二十七夫亡事翁至孝撫孤成立子亡復撫孫成立守節四十餘年卒

吳子琪妻彭氏皋蘭人年二十七夫亡家貧鍼黹度日事姑撫孤守節三十八年卒

王廷榮妻韓氏皋蘭人年二十六夫亡撫孤成立守節五十五年卒

甘肅新通志

卷七十六

人物志 列女一

三

傅守正妻江氏皋蘭人守正充督標營兵從征川陝教匪陣亡於兩河關氏年二十五撫孤成立守節終身

于祿妻齊氏皋蘭人年二十九夫亡家貧以女紅自給子死復撫遺孫守節五十餘年卒

顏秉元妻杜氏皋蘭人年二十九夫亡撫二子文重文祥成立守節三十九年文祥授室歲餘又死其媳徐氏年十八事孀姑撫幼

子守節二十二年卒
李芝妻翟氏皋蘭人年二十三夫亡無子孝奉翁姑撫六姪從龍

為嗣守節終身

李夢龍妻孫氏皋蘭人年二十夫亡事翁姑孝撫遺腹子繩祖成立守節四十二年卒

朱得名妻王氏皋蘭人年十九夫亡孝奉翁姑越五月遺腹子生

撫育成立子年未三十死復撫諸孫守節五十四年卒子婦余氏亦以守節終

武生曾如琳妻沙氏皋蘭人文縣營都司沙兆喜女年二十二夫亡孝奉翁姑撫孤成立性勤儉紡績不倦守節四十五年卒

曾爾明妻顧氏皋蘭人年二十夫亡事姑孝撫子女成立守節三十四年卒

王浩妻王氏皋蘭人年二十三夫亡遺一子旋殤有勸其改節者以死自誓孝奉舅姑撫夫姪國士爲嗣守節五十餘年卒

沙折桂妻黃氏皋蘭人年十八夫亡遺腹生子有慫恿勸嫁者力拒之孝奉翁姑苦節三十二年卒

王孔安妻朱氏皋蘭人年十九夫亡子生甫一歲家貧甚藉鍼帶撫育成立守節終身

甘肅新通志

卷七十六

人物志 列女一

三

王孔節妻王氏皋蘭人年二十五夫亡翁以氏年少無子議令改適氏願事親守節撫夫族孫元承祀未幾元死復以夫弟之子爲嗣又數年夫弟亦亡翁姑俱衰老氏藉鍼帶孝養終身

劉大志妻韓氏皋蘭人年二十四夫亡撫孤成立事孀姑十餘載備盡孝道守節四十餘年卒

石錦妻良氏皋蘭人年二十夫亡子藍田幼撫育成立死媳有遺腹生子後再醮去氏復撫遺孫成立守節六十八年卒

夏建成妻戴氏皋蘭人年二十五夫亡無子家貧藉女紅度日繼夫從孫承祀守節終身

生員程汝材妻唐氏皋蘭人年二十七夫亡無子孝奉翁姑撫夫姪萬鵬爲嗣守節二十一年卒

邢鈺妻潘氏皋蘭人年二十九夫亡事孀姑孝撫孤濟楠成立守

節三十五年卒

邢鑰妻單氏皋蘭人年二十九夫亡孝奉翁姑撫孤濟梁成立守節四十年卒

生員徐沛興妻虞氏皋蘭人年二十九夫亡家貧撫二子煜暢成立守節十九年卒

經制徐占魁妻裴氏皋蘭人占魁從征西藏卒於軍氏年二十九無子奉翁姑撫孤女繼夫兄之子爲嗣守節二十九年卒

彭永盛妻吳氏皋蘭人年二十四夫亡家貧以鍼黹撫孤麟成立麟死媳嫁孤苦無依守節三十年卒

王立忠妻張氏皋蘭人年二十六夫亡家貧奉姑撫二子永銳智銳成立守節四十年卒

劉登榜妻沈氏皋蘭人年十九夫亡撫子旣長而死子身孤苦守

甘肅新通志

卷七十六

人物志 列女一

罕

節三十餘年卒

廖成業妻徐氏皋蘭人年二十二夫亡子甫三歲撫育成立守節四十餘年卒

邱興賓妻吳氏皋蘭人年二十九夫亡子璋旣授室而死媳改醮去遺一孫女孤苦相依守節四十餘年卒

貢生劉元章妻張氏皋蘭人年二十九夫亡二子永興永茂俱幼撫育成立守節四十三年卒

廩生劉法言妻任氏皋蘭人年二十九夫亡孝奉老姑撫二子永淑永澤成立守節二十餘年卒

梁凱妻張氏皋蘭人年二十七夫亡家貧撫子女成立守節五十年卒

劉永休妻魏氏皋蘭人年二十八夫亡家貧孝奉翁姑撫二女成

立翁姑歿二女亦死孤苦伶仃守節二十餘年卒

張學詩妻徐氏皋蘭人年二十四夫亡撫二孤成立守節四十二年卒

劉元達妻張氏皋蘭人年二十八夫亡家貧孝奉翁姑撫孤建塘成立守節五十三年卒

柴如梅妻李氏皋蘭人年二十九夫亡撫孤際春成立守節四十二年卒

吏員趙士秀妻周氏皋蘭人年二十九夫亡撫孤發科成立守節終身

曹寶妻楊氏皋蘭人年二十九夫亡家貧奉孀姑撫幼孤守節三十七年卒

牟維紀妻張氏皋蘭人年二十七夫亡無子孝奉翁姑繼夫從兒

甘肅新通志

卷七十六

人物志 列女一

聖

之子爲嗣撫育成立守節終身

劉起華妻蘇氏皋蘭人年二十八夫亡孝奉孀姑撫孤成立守節三十餘年卒

張友德妻程氏皋蘭人年十九夫亡翁姑老家貧藉紡績奉養撫孤成立守節五十餘年卒

宋伏喜妻陳氏皋蘭人年二十八夫亡孝奉衰翁撫孤成立守節三十餘年卒

馬興妻顏氏皋蘭人年二十八夫亡家貧子幼撫育成立守節三十餘年卒

劉於德妻楊氏皋蘭人年二十九夫亡孝事孀姑撫孤成立守節終身

第五仁妻潘氏皋蘭人年二十四夫亡家貧藉鍼黹撫孤成立守

節終身

金毓現妻張氏皋蘭人年二十五夫亡無子孝奉孀姑撫繼子成立守節終身

張成妻劉氏皋蘭人年二十三夫亡姑老子幼艱苦孝養守節四十餘年卒

方繼統妻李氏皋蘭人年二十五夫亡姑老家貧晝則汲水拾薪夜則紡棉績布撫一歲子成立守節三十餘年卒

王學詳妻趙氏皋蘭人年二十九夫亡撫孤懷大成立生二孫鳴和鳴琴相繼亡遺孤各一長孫媳劉氏年二十二次孫媳龐氏年十九並誓志撫孤壽俱六十而卒

孫鎮妻姚氏皋蘭人年二十八夫亡撫二孤成立守節終身

彭某妻某氏皋蘭人新婚五日夫亡孝翁姑撫繼子成立時皆稱

甘肅新通志

卷七十六

人物志

列女一

望

爲彭節婦

李綦妻馮氏皋蘭人年二十六夫亡子甫四歲亦殤撫繼子爲嗣繼子死撫二孫成立守節四十六年卒

王邦熙妻劉氏皋蘭人年二十七夫亡孝奉翁姑撫孤璽成立守節四十年卒

邱齊高妻張氏皋蘭人年二十夫亡家貧女紅自給撫孤成立守節四十五年卒

方孝妻李氏皋蘭人年二十五夫亡撫一歲子成立守節三十年卒

庠生王者蘭妻王氏皋蘭人幼有至性其母溫氏嘗病垂危泣涕割股肉和藥以進母飲之而愈及者蘭歿年二十三寢不解衣撫二孤成立守節二十餘年卒

方文鐸妻王氏皋蘭人年二十五夫亡孝奉翁姑撫孤毓秀成立守節三十餘年卒

張學詩妻何氏皋蘭人年二十六夫亡無子繼夫姪國祥爲嗣守節四十三年卒

狄三廉妻強氏皋蘭人年二十三夫亡孝奉翁姑撫二子宗憲宗甫成立守節四十一年卒

李懷陽妻王氏皋蘭人懷陽充陝甘督標營兵從征川陝教匪陣亡於兩河關氏年二十三家貧事翁姑撫孤守節四十餘年卒

張美玉妻崔氏皋蘭人年二十夫亡孝奉翁姑撫孤成立守節三十餘年卒

李懷榮妻張氏皋蘭人年二十二夫亡家極貧孝奉翁姑撫孤成立守節七十三年卒

甘肅新通志

卷七十六

人物志 列女一

三

邵汝年妻徐氏皋蘭人年二十五夫亡事姑孝撫四歲子繩祖成立後登鄉舉第三守節三十年卒

呂士林妻劉氏皋蘭人士林爲陝甘督標營兵乾隆四十六年剿撒拉回於古峰山陣亡氏年二十四艱苦撫孤守節五十年卒

魏福祥妻滕氏皋蘭人年二十三夫亡孝奉翁姑撫孤成立守節終身

廩生史鐸妻王氏皋蘭人鐸赴陝西鄉試歿於逆旅氏年二十五紡織撫孤除歸甯外足跡不出門闥守節五十餘年卒

虞兆福妻張氏皋蘭人年二十夫亡家貧無依忍凍餒撫孤成立守節五十六年卒

金璽妻韋氏皋蘭人年二十一夫亡家貧藉鍼帶奉養翁姑撫二子成立守節三十餘年卒

楊順律妻郝氏皋蘭人年二十二夫亡子生甫逾月孀姑老家貧織紉以奉甘旨守節四十四年卒

李發良妻李氏皋蘭人年二十一夫亡無子撫繼子成立苦節三十七年卒

王功臣妻喬氏皋蘭人年二十九夫亡撫遺孤成立守節三十餘年卒

張瑋妻陳氏皋蘭人年二十夫亡遺一子一女相繼夭歿氏奉姑守節四十餘年卒

增生江泰妻陶氏皋蘭人年二十八夫亡撫二子之歐之柳成立守節三十餘年卒

增生張敘妻魏氏皋蘭人年二十夫亡孝奉翁姑撫二孤成立長子鴻都入庠守節二十二年卒

甘肅新通志

卷七十六

人物志

列女一

器

陳璫妻孫氏皋蘭人年二十四夫亡撫二子延洙延泗成立而死繼夫兄之子延清爲嗣苦節三十餘年卒

高從武妻齊氏皋蘭人年二十九夫亡無子繼夫兄一歲之子撫育成立入庠守節四十四年卒

武舉高英妻徐氏皋蘭人年二十四夫亡撫遺孤成立守節三十年卒

曹鳳翹妻孫氏皋蘭人年二十九夫亡家貧藉鍼帶撫二子成立守節五十餘年卒

薛珍妻張氏皋蘭人年二十九夫亡子大烈幼家貧藉鍼帶紡織撫育嘉慶中大烈官提督 誥封氏一品太夫人 御書母賢子

孝匾額褒之

陳瑗妻楊氏皋蘭人年十七夫亡無子翁元善任陝西邵陽縣訓

導氏奉事惟謹繼夫弟之子延統爲嗣守節三十餘年卒

趙文泰妻達氏皋蘭人年二十三夫亡無子舅姑勸改醮不從矢志孝養繼夫從兄之子爲嗣守節三十六年卒

張延縉妻王氏皋蘭人年二十七夫亡翁老病事之惟謹長子七歲次子遺腹生撫育成立守節三十五年卒

陶玉缶妻楊氏皋蘭人年二十四夫亡孝養翁姑撫孤成立守節四十二年卒

王宗制妻方氏皋蘭人年十九夫亡撫孤成立守節四十餘年卒
楊白高妻金氏皋蘭人年十九夫亡力田養親撫孤成立守節四十餘年卒

徐炳嶧妻顏氏皋蘭人年十九夫亡事翁篤孝撫孤成立守節二十二年卒

甘肅新通志

卷七十六

人物志 列女一

墨

李元春妻陳氏皋蘭人年二十五夫亡事翁及繼姑孝教于玉林甚嚴守節五十二年卒玉林後登鄉薦而亡無子其妻魏氏亦矢志守節撫玉林從子爲嗣姑媳雙節

張登魁妻章氏皋蘭人年二十三夫亡孝奉翁姑撫孤易方入泮守節三十三年卒

張國琬妻白氏皋蘭人年二十六夫亡家貧艱苦撫孤成立守節三十年卒

魏正蘭妻張氏皋蘭人年二十六夫亡家貧藉紡織奉養翁姑撫孤永春成立守節三十餘年卒

陳萬策妻劉氏皋蘭人年二十五夫亡事親孝謹撫孤成立守節三十五年卒

曹依德妻王氏皋蘭人年二十三夫亡家貧甚以紡織奉養翁姑

撫孤成立守節四十六年卒

石鑑妻劉氏皋蘭人年二十六夫亡無子孝奉孀姑撫嗣子成立守節三十九年卒

李毓俊妻鄭氏皋蘭人年二十四夫亡事親撫孤紡織自給守節四十二年卒

胡綱妻龔氏皋蘭人年二十一夫亡家貧藉鍼荷度日孝奉翁姑撫孤成立守節三十餘年卒

吳肇伯妻彭氏皋蘭人年二十八夫亡孝事翁姑撫孤成立守節五十四年卒

吳奮光妻陳氏皋蘭人年二十三夫亡孝奉孀姑撫孤成立守節十五年卒

張琮妻王氏皋蘭人年二十七夫亡事姑極孝教子成立守節二

十五年卒

甘肅新通志

卷七十六

人物志 列女一

吳

陳兆鳳妻劉氏皋蘭人年二十九夫亡孝奉翁姑遺孤授室生子相繼俱死撫繼子筠爲嗣守節十九年卒筠由拔貢登鄉薦而歿其妻秦氏矢志撫孤守節三十九年卒

劉珍妻王氏皋蘭人年二十六夫亡孝奉翁姑子亡撫孫成立守節五十五年卒

姜得禮妻陳氏皋蘭人年二十一夫亡孝奉翁姑撫二子成立長子士元官陝甘督標經制氏守節三十二年卒

張如林妻鮑氏皋蘭人年二十五夫亡家貧四子俱幼藉鍼荷撫養長子熙敬官陝甘督標把總餘俱成立守節五十九年卒

武舉顏貴德妻張氏皋蘭人年二十三夫亡矢志養姑守節三十五年卒

楊某妻郝氏皋蘭人年二十八夫亡艱苦守志壽七十有四以節終

任積妻沈氏皋蘭人年二十九夫亡家貧撫孤元發成立守節終身

把總陳萬青母張氏皋蘭人年二十夫亡事姑撫子守節三十八年子萬青官涼州鎮標把總

守備李秀妻劉氏皋蘭人年二十一夫亡子甫週歲撫養成立守節二十九年卒

蔣朝宰妻齊氏皋蘭人年二十一夫亡子祿甫週歲撫育成立守節四十餘年卒祿援例獲從九職銜而歿其繼妻王氏年二十九遺子少亡繼族孫承祀守節三十餘年卒姑媳雙節並蒙 旌表

徐尙文妻陳氏皋蘭人年二十一夫亡家貧撫二子成立守節四

甘肅新通志

卷七十六

人物志

列女一

聖

十二年卒已蒙 旌表

史誦妻蔡氏皋蘭人年二十二夫亡翁姑繼卒遺有小姑與其一歲子並撫之成立守節二十餘年卒已蒙 旌表

魏積瑜妻白氏皋蘭人年二十一夫亡矢志撫孤諸姪童年失恃氏待之恩勤有加守節三十餘年卒已蒙 旌表

郝希孔妻王氏皋蘭人年二十五夫亡無子孝事翁姑撫夫從子有誠爲嗣守節五十八年卒已蒙 旌表

滕繼愷妻白氏皋蘭人年二十二夫亡僅遺一女翁姑老奉事惟謹撫夫姪爲嗣守節三十九年卒已蒙 旌表

方繼志妻張氏皋蘭人年二十七夫亡孝姑撫子守節三十三年卒已蒙 旌表

職員秦誥嘉妻李氏皋蘭人年十九夫亡姻戚以其年少無出勸

令改醮氏厲色拒之時翁猶在堂事之惟謹撫夫從子成緒爲嗣
守節三十年卒已蒙 旌表

范成相妻徐氏皋蘭人年二十九夫亡家貧藉鍼術撫二子統繳
成立守節三十八年卒已蒙 旌表

劉永年妻楊氏皋蘭人年二十一夫亡子甫二齡矢志撫育越三
年子殤涕泣累日服毒死已蒙 旌表

丁懷善妻周氏皋蘭人年二十四夫亡翁姑老前室二子及己子
俱幼氏仰事俯畜各盡其道守節四十九年卒已蒙 旌表

張繼顯妻曾氏皋蘭人年二十九夫亡家貧貨炊餅爲業撫三子
廷桂廷德廷榮皆成立守節四十四年卒已蒙 旌表

楊萬青妻羅氏皋蘭人年二十夫亡撫孤大成成立守節三十餘
年卒已蒙 旌表

甘肅新通志

卷七十六

人物志

列女一

吳

張守官妻楊氏皋蘭人年十九夫亡家貧晝紡夜績撫孤輔弼成
立守節三十餘年卒已蒙 旌表

駱繼業妻羅氏皋蘭人年十九夫亡孝奉翁姑撫夫姪錫九爲嗣
守節四十七年卒已蒙 旌表

顏大高妻錢氏皋蘭人年二十七夫亡家貧孝奉舅姑撫三子成
立夫有姪三歲失恃氏並撫之守節四十一年卒已蒙 旌表

廩生秦琢堂妻徐氏皋蘭人年十九夫亡無子撫繼子成立守節
十四年卒已蒙 旌表

段文淵妻解氏皋蘭人年二十六夫亡無子孀姑王氏多病奉事
不懈撫繼子成忠成立守節三十五年卒已蒙 旌表成忠後登

鄉薦

金文益繼母張氏皋蘭人早年夫亡家貧或至絕食紡織撫孤成

立守節終身

典史劉榕妻王氏皋蘭人年二十九夫亡無子翁姑治家嚴氏每事必問頗得歡心越二十餘載榕庶弟桐生子爾斫氏撫以爲嗣爾斫成進士選庶吉士氏始卒守節四十六年已蒙 旌表

庠生孫林桂妻孔氏皋蘭人年二十九夫亡孝奉孀姑遭回亂流離轉徙撫孤成立守節二十二年卒已蒙 旌表

劉國鈞妻薛氏皋蘭人年二十夫亡子超祖幼撫之成立超祖死其妻薛氏係氏之姪女姑媳相依姑守節六十年卒媳亦守節三十餘年卒一門雙節已蒙 旌表

周大年妻高氏皋蘭人六年縣試列前茅喜而浴於河溺死氏年十八撫遺腹子得程成進士守節五十餘年卒已蒙 旌表

李繼芳妻張氏皋蘭人年二十六夫亡僅遺一女撫夫從子世新

甘肅新通志

卷七十六

人物志

列女一

一

爲嗣守節五十餘年卒已蒙 旌表

楊爾株妻彭氏皋蘭人年二十六夫亡無子撫繼子學祖成立守節四十二年卒

劉漢學妻達氏皋蘭人漢學充陝甘督標營兵從征川楚陣亡於兩河關氏年十九撫孤成立守節五十年卒子登甲官陝甘督標經制

庠生張毓秀妻蕭氏皋蘭人年三十夫亡矢志撫孤苦節六十五年見元孫而卒

守備趙得妻廖氏皋蘭人年二十一夫亡撫孤成立子連城遊庠後死氏守節四十年卒

馬延昌妻顏氏皋蘭人年二十四夫亡家貧藉十指撫子女成立子林病故復撫遺孫守節五十餘年卒

張玉堂妻楊氏皋蘭人年二十八夫亡家貧藉鍼帚撫子女成立守節二十餘年卒子振聲後官四川候補直隸州知州署宜賓縣知縣

廩生劉彥妻李氏皋蘭人年二十七夫亡孝奉孀姑撫孤配義入庠守節六十餘年卒

徐楊保母王氏皋蘭人年二十楊保在孕其夫赴新疆貿易數十年不歸氏撫子守待飢寒交迫毫無異志楊保既授室生子辭母出關尋父去後十餘年亦無音耗氏撫二孫成立卒年七十餘鄉黨賢之

王廷禮妻劉氏皋蘭人廷禮遊新疆不歸氏年二十二貧苦自守撫二子成立以疾卒

劉宗貴妻彭氏皋蘭人于歸數年子尙在孕宗貴出賈新疆不返
甘肅新通志 卷七十六 人物志 列女一 三
氏孝奉翁姑撫遺腹子艱苦備嘗後逢回亂闔家皆死於賊鄉里傷之

邵友妻郝氏皋蘭人年二十二夫亡家貧藉女紅撫孤成立子與媳相繼亡復撫遺孫男女各一守節四十年卒

岳毓秀妻蔣氏皋蘭人年二十二夫亡家貧藉鍼帚撫孤成立守節五十餘年卒

張宜妻方氏皋蘭人年二十八夫亡孝奉孀姑撫孤成立守節三十餘年卒

劉承權妻王氏皋蘭人年三十夫亡撫二孤成立守節三十八年卒

從九魏柏妻趙氏皋蘭人年二十五夫亡長子早殤次子旋亦病歿氏爲長子立嗣守節三十八年卒

侑生周建業妻黃氏皋蘭人年二十四夫亡孝奉翁姑撫子永昌成立守節三十餘年卒永昌後以捐輸兵餉議敘巡檢

暢和泰妻鍾氏皋蘭人年二十八夫亡遺二男三女家貧售餅餌勤鍼黹撫養守節五十餘年卒

李占春妻徐氏皋蘭人年三十夫亡無子撫夫弟之子永福爲嗣守節三十餘年卒

庠生王有權妻李氏皋蘭人年二十七夫亡撫子琮成立守節二十九卒

陳錦妻郭氏皋蘭人年十九夫亡無子翁姑令人諷其改適氏堅拒之撫夫姪女以守姪女歿哭喪明苦節三十餘年卒

劉某妻陳氏皋蘭人其夫以成衣爲業遊新疆終身不歸氏堅貞自守藉鬻醯撫一子三女俱婚嫁以壽終

甘肅新通志

卷七十六

人物志 列女一

五

徐文昇妻任氏皋蘭人文昇充陝甘督標營兵從總督鄂山出巡至甯夏武巡捕守備米兆祿夜宿妓館命文昇伺應妓側文昇不從兆祿怒取馬策亂捶之立斃以病故報本營是時氏年二十一子一女俱幼遺腹在孕夜夢文昇渾身血污訴慘死狀且以善事翁姑撫養子女爲囑驚泣而寤枕畔猶有啾啾聲無何文昇凶聞至邑人皆閔言爲兆祿所害氏痛哭請其翁迎夫柩歸欲鳴官相驗翁畏兆祿勢躊躇未決而氏則每夜聞鬼哭聲入夢卽見文昇促令伸冤其翁所聞所夢亦同乃從氏言具呈上控初開驗時屍爲信石所漬骨肉脫離杖傷難定案情屢有反覆夜間鬼聲益大噓鄰里皆聞氏及其翁鳴冤不已於是一再蒸檢傷痕畢現兆祿始供認伏法其夕氏生一女鬼遂寂然無聲不復入夢矣氏旣復夫仇奉親撫孤守節五十九年卒

宋文敏妻李氏皋蘭人舉人李挺孫女年二十二夫亡孝奉翁姑撫子光祖及一女成立守節四十六年卒

張汝明妻章氏皋蘭人年二十六夫亡家貧藉紡績撫孤成立守節三十年卒

李澄妻陸氏皋蘭人年二十二夫亡撫前室二子成立後相繼俱歿長子有遺孤與媳共撫之守節四十餘年卒

劉含英妻田氏皋蘭人年二十四夫亡遺二子一女家貧藉鍼帶撫育守節三十六年卒

孫學敏妻衛氏皋蘭人年二十四夫亡家貧藉鍼帶度日或勸其改適峻拒之孝養老姑撫二子一女成立守節五十四年卒

千總徐登甲妻王氏皋蘭人事翁姑孝姑病頭痛百藥罔效氏割臂肉調藥飲之而愈鄉里稱爲孝婦

甘肅新通志

卷七十六

人物志 列女一

三

把總馬萬圖妻馬氏皋蘭人咸豐四年萬圖從征河南竄逆陣亡於商城氏年二十七遺子揚宗甫七歲教之習射以俟襲廕守節三十四年卒

守備張勳妻魏氏皋蘭人勳官巴里坤卒於任氏撫前室子培源恩誼篤摯與己子培基無異守節終身培基後以副貢生任莊浪鄉學訓導

薛朝貢妻方氏皋蘭人年二十六夫亡遺有三子母家兄弟勸令改醮氏怒絕之不與往來守節五十八年卒

姜連元妻李氏皋蘭人年二十四夫亡孝奉翁姑撫孤夢熊成立守節二十九年卒夢熊後官波羅營守備

守備姜魁元妻高氏皋蘭人咸豐四年魁元從征揚州陣亡於帶子溝氏年二十五撫三子成立守節三十一年卒長子夢蘭襲雲

騎尉署肅州城守營都司城陷殉難次子夢槐後舉武鄉試
經制姜夢麟妻蘇氏皋蘭人同治五年夢麟偵賊阿干鎮遇害氏
年二十一矢志撫孤守節十八年卒

金存利妻石氏皋蘭人年十九夫亡孝奉翁姑撫二孤守節十六
年卒

胡萬春妻陳氏皋蘭人年二十八夫亡守節三十九年卒

劉保母袁氏皋蘭人年二十八夫亡翁姑老家貧藉女紅奉養撫
子成立守節四十八年卒

王茂仁母魏氏皋蘭人年三十夫亡撫茂仁及其弟成立守節三
十餘年卒

劉順妻楊氏皋蘭人年二十五夫亡孀姑老二子俱幼順弟和逼
令改嫁誓死不從和怒析爨而去氏藉紡織養姑撫孤姑歿所居

甘肅新通志

卷七十六

人物志 列女一

三

雁灘遭河患攜二子遷徙北山晝食草籽夜宿土窰苦節三十餘
年卒

魏富棟妻楊氏皋蘭人年二十夫亡子授室後早歿復撫其孫會
遭回亂乏食藜藿度日苦節四十一年卒

丁希新妻錢氏皋蘭人年二十七夫亡無子翁姑年逾六旬氏勸
姑爲翁置妾果生男守節四十八年卒

王懷俊妻邵氏皋蘭人年二十八夫亡上事老姑下撫子女守節
二十餘年卒

庠生楊啟秀妻鄭氏皋蘭人年二十六夫亡事親撫子守節二十
七年卒

孫宗崇妻鍾氏皋蘭人年二十四夫亡矢志撫孤成立守節五十
七年卒

孫世元妻許氏皋蘭人年二十八夫亡事孀姑撫孤蘭成立守節二十四年卒蘭後舉武鄉試

王德文妻柴氏皋蘭人年二十九夫亡家貧子幼上有孀叔姑氏爲人澣衣縫紉得傭值以養會兵荒啗草根樹皮度日守節三十八年卒

孔廣施妻張氏皋蘭人幼從胞叔張士璧讀女孝經諸書頗有婦德年二十六夫亡孝事孀姑撫前室子昭銘及己子昭鈇成立守節三十餘年卒昭鈇後入庠食餼

趙希玉妻張氏皋蘭人年二十九夫亡無子姑亦尋歿翁老孝養不怠守節九年卒

徐和妻周氏皋蘭人年二十三夫亡孝事翁姑撫遺腹子成立守節四十三年卒

甘肅新通志

卷七十六

人物志 列女一

善

孫萬元妻趙氏皋蘭人年二十一夫亡撫遺腹子及前室二子俱成立守節四十八年卒

張萬興妻章氏皋蘭人年二十二夫亡撫二子成立相繼俱歿復撫遺孫守節五十五年見曾孫而卒

陳希曾妻彭氏皋蘭人年二十一夫亡遺腹生男家苦貧藉傭鍼撫育成立守節六十三年卒

安應賓妻李氏皋蘭人年二十二夫亡遺子二人同治二年回亂賊欲擄其二子去氏堅持不放爲賊斫傷絕而復蘇賊舍之去後二子授室相繼皆死次媳無出再醮去長媳陳氏于歸甫五載生有二男依姑守志長孫旣娶而死氏亦旋卒苦節三十餘年

張我聲妻王氏皋蘭人年二十八夫亡家貧子幼并日而食傭田自給守節四十餘年卒

王朝忠妻辛氏皋蘭人年二十七夫亡撫遺腹子成立守節四十餘年卒

張得祿妻彭氏皋蘭人年二十六夫亡事翁孝撫前室二子一女及己所生二子俱成立守節四十四年卒

劉欽天妻宋氏皋蘭人年二十八夫亡孝奉老翁撫孤永盛成立後子又早亡繼妻宋氏年二十七無出撫前妻遺孤璵成立姑守節五十餘年卒媳守節二十六年卒

徐學勉妻趙氏皋蘭人年十八夫亡遺腹生子藉鍼黹撫之成立守節三十一年卒

牛居田妻陳氏皋蘭人年二十七夫亡翁亦繼逝孝事老姑撫三子大倫大信大璞成立守節三十四年卒

王統泰妻鄒氏皋蘭人年二十八夫亡撫二子鍊鱗成立守節三十七年卒

甘肅新通志

卷七十六

人物志 列女一

五

魏富厚妻王氏皋蘭人年二十夫亡撫遺腹子成立守節六十一年卒

梁建緒母蔡氏皋蘭人年十九夫亡建緒方一歲撫育成立每出門必衣裙斂襟里人敬之守節五十四年卒

薛如陵妻陳氏皋蘭人年二十五夫亡二子俱幼會遭回亂田廬蕩然拾草籽野菜自給守節三十三年卒

顏大綱妻曾氏皋蘭人年二十四夫亡家貧子幼藉鍼黹撫育成立守節三十八年臨終戒其媳曰人生在世切勿敗倫喪節墮我家聲言畢而卒

顧德重妻高氏皋蘭人年二十一夫亡家貧紡織撫子子亡復撫孫男一孫女二俱成立孫男死氏無所依孫女適白姓者迎養之

守節六十五年卒

周某妻宋氏皋蘭人年二十九夫亡姑憫其無子勸令改適氏矢志不從家貧藉鍼芻養姑守節三十九年及卒異香累日不散

高丕福妻張氏皋蘭人教授張錦芳女幼嫻閨訓年二十五夫亡孝事翁姑撫子韻璈成立守節五十四年卒

高丕功妻李氏皋蘭人年二十一夫亡家貧子幼藉鍼芻易米養翁而已饜糠粃焉守節四十七年卒

張茂正妻曾氏皋蘭人年十七夫亡遺有一子家貧藉紡織奉養翁姑其父曾某欲奪而嫁之氏以大義自誓終身不復歸甯守節四十二年卒

錢文蔚妻王氏皋蘭人年二十一夫亡無子氏不語不食乘間以廚刀自刎死

甘肅新通志

卷七十六

人物志 列女一

美

高雋英妻李氏皋蘭人年二十四夫亡誓以身殉家人防偶懈服毒死

王烈女皋蘭人監生王明福季女年甫及笄許字金姓未婚而金姓子病故改字張姓聘有日矣女聞之痛哭服毒死

庠生孫蘭枝妻劉氏皋蘭人夫亡棺殮甫畢服毒死時年二十程豪士妻丁氏皋蘭人年二十夫亡矢志撫子子忽夭折泣曰夫嗣絕矣遂不食而死

顏大富妻鄒氏皋蘭人年十九夫亡將葬扶柩過河遂投水死先是大富醜而且禿氏不以爲嫌敬愛甚摯至是竟以身殉

趙成達妻姚氏皋蘭人年十七于歸未幾成達病故氏泣數聲而止其夜服毒自盡比家人覺而趨視則妝飾煥然一新身已殯矣遂與其夫同穴葬焉

王復久妻顏氏皋蘭人夫歿之夜服毒而死遺二子俱幼

趙希銘妻張氏皋蘭人年二十二夫亡服毒而死遺一子甚幼

庠生蓋文秀妻李氏皋蘭人文秀病故無子氏勺水不入口者一十六日遂以身殉

舉人黃倣憲妻白氏皋蘭人倣憲病卒之三日其翁謀候殯後醮氏去是夜氏沐浴更衣裳仰卧榻上以帶繫枕套其頸自勒死

葛永義妻王氏皋蘭人年二十二夫亡遺子甫一歲氏慟哭幾絕及三周之期親往墓所致祭歸而自縊死

羅儒妻曾氏皋蘭人年二十九夫亡紡績撫子子既長耘田爲狼所噬氏痛哭自縊死

張平妻章氏皋蘭人夫歿小殮甫畢慟哭投河死

李某妻漆氏皋蘭人年十九夫亡孝奉孀姑有勸再醮者謝絕之

甘肅新通志

卷七十六

人物志 列女一

三

及姑病故遂服毒而死

柴標妻孫氏皋蘭人年二十六夫亡每七日設祭必痛哭翁禁止之乃強拭淚痕越數夕竟服毒死

史國棟妻楊氏皋蘭人事翁姑極孝姑病篤氏禱天割臂肉煎藥飲之而愈鄉里稱之

韋元祥妻趙氏皋蘭人年二十八夫亡養親撫孤子守節二十餘年卒

趙永重妻魏氏皋蘭人年二十六夫亡矢志撫幼子守節四十四年卒

徐喬妻崔氏皋蘭人年二十一夫亡孝事孀姑紡績度日守節二十六年卒

王元泗妻蕭氏皋蘭人年二十七夫亡守節三十餘年卒

附生張中選妻陳氏皋蘭人年二十六夫亡守節三十餘年卒

耿述先妻黃氏皋蘭人年二十七夫亡守節三十四年卒

劉輝祖妻武氏皋蘭人年二十九夫亡守節三十九年卒

曹某妻楊氏皋蘭人年二十九夫亡守節五十九年卒

王守瑄妻宋氏皋蘭人年二十一夫亡撫孤文達遊庠守節三十二年卒

沈魁妻康氏皋蘭人年二十九夫亡撫孤成立守節五十五年卒

沈懷清妻王氏皋蘭人年二十二夫亡守節九年卒

宋昌生妻沈氏皋蘭人年二十夫亡撫子成立守節五十二年卒

武生邸寅武妻劉氏皋蘭人年二十六夫亡守節二十七年卒

劉錫祥妻張氏皋蘭人年二十二夫亡守節四十七年卒

蔡某妻趙氏皋蘭人年二十六夫亡守節四十五年卒

甘肅新通志

卷七十六

人物志 列女一

五

徐甘妻任氏皋蘭人年二十三夫亡撫子成立守節五十四年卒

楊光祖妻王氏皋蘭人年二十二夫亡守節五十一年卒

邸國相妻祿氏皋蘭人年二十八夫亡撫二子成立守節五十一

年卒

彭迺寶妻葛氏皋蘭人年二十四夫亡撫孤子成立守節五十二年卒

趙尊賢妻耿氏皋蘭人年二十五夫亡矢志撫孤守節十餘年卒

師建義妻苟氏皋蘭人建義在狄道殉難氏年二十八會蘭城奇

荒攜二子拾野菜度日守節二十餘年卒

宋致仁妻盧氏皋蘭人年二十九夫亡撫孤子成立守節四十七年卒

千總王榮妻高氏皋蘭人咸豐之時榮從征揚州陣亡氏年二十

六矢志撫孤守節三十二年卒

遊擊涂興發妻王氏皋蘭人年二十五夫亡撫孤成立守節二十年卒

段法田妻王氏皋蘭人年三十夫亡撫育諸孤守節三十一年卒
楊均妻劉氏皋蘭人均充陰陽生病故氏年二十六矢志撫孤守節四十三年卒

任濟川妻趙氏皋蘭人年二十四夫亡藉鍼術撫孤守節三十五年卒

任吉昌妻毛氏妾王氏皋蘭人吉昌歿時毛年二十一無子壬年十九生子堯共撫育成立充例監生毛守節三十一年卒王守節三十九年卒

祿永泰妻邢氏皋蘭人年二十五夫亡藉鍼術孝奉翁姑撫子女

甘肅新通志

卷七十六

人物志 列女一

堯

守節四十四年卒

劉安仁妻吳氏皋蘭人年二十四夫亡守節四十九年卒

楊秀妻徐氏皋蘭人年二十一夫亡撫孤成立守節四十一年卒

楊榮妻曾氏皋蘭人年二十六夫亡撫孤成立守節三十七年卒

石懷文妻徐氏皋蘭人年二十三夫亡撫幼孤成立守節五十二年卒

柴瑪妻顧氏皋蘭人年二十五夫亡撫孤成立守節四十八年卒

李生海妻張氏皋蘭人年二十九夫亡撫幼孤成立守節四十四年卒

段國清之妻王氏皋蘭人年二十七夫亡撫孤成立守節三十一年卒

曾法儒妻曹氏皋蘭人年二十二夫亡撫幼孤成立守節四十七

年卒

張福妻曾氏皋蘭人年二十八夫亡撫孤成立守節二十七年卒
方勇妻李氏皋蘭人年二十一夫亡撫孤成立守節六十二年卒
李永官妻劉氏皋蘭人年二十八夫亡撫育孤子成立守節五十一年卒

王鳴慶妻龐氏皋蘭人年十九夫亡撫孤成立守節四十二年卒
王鳴和妻劉氏皋蘭人年二十二夫亡撫孤子成立守節二十九年卒

張魁妻陳氏皋蘭人年二十七夫亡撫孤成立守節四十二年卒
蘇某妻劉氏皋蘭人年二十五夫亡撫孤成立守節四十二年卒
談清派妻魏氏皋蘭人同治五年清派殉回難氏年三十二家貧
晝爲人澣衣夜勤鍼帶撫孤成立守節二十餘年卒

甘肅新通志

卷七十六

人物志 列女一

李

董成信之妻施氏皋蘭人年二十七夫亡撫孤成立守節二十三年卒

李藩芳妻張氏皋蘭人年二十六夫亡子放林甫周歲撫之成立
守節二十餘年卒

戴成雲妻王氏皋蘭人年二十八夫亡撫遺孤成立守節三十八年卒

王之敏妻汪氏皋蘭人年二十五夫亡養親並撫孤守節三十六年卒

張我識妻于氏皋蘭人年二十六夫亡撫孤子成立守節三十五年卒

徐海妻王氏皋蘭人年二十六夫亡撫孤成立守節四十四年卒
胡光熙妻戴氏皋蘭人年二十五夫亡撫孤成立守節三十年卒

胡廷登子妻滕氏皋蘭人年二十八夫亡撫孤成立守節三十二年卒

胡祝娃妻俞氏皋蘭人年二十八夫亡撫遺孤成立守節三十餘年卒

胡廷榮妻崔氏皋蘭人年二十七夫亡撫孤成立守節三十年卒

徐國胡妻王氏皋蘭人年二十四夫亡撫遺孤成立守節五十二年卒

戴成秀妻王氏皋蘭人年二十五夫亡撫遺孤成立守節三十五年卒

管討口妻陳氏皋蘭人年二十夫亡撫孤成立守節四十年卒

王懷緝妻陳氏皋蘭人年二十八夫亡撫孤成立守節三十年卒

李生源妻朱氏皋蘭人年二十九夫亡家貧撫孤殿奎成立守節

甘肅新通志

卷七十六

人物志

列女

全

三十年卒

蒲光明妻管氏皋蘭人年二十九夫亡撫遺孤成立守節三十餘年卒

邱某妻徐氏皋蘭人年二十三夫病瘋狂死氏奉姑撫孤守節四十九年卒

楊廷璘妻魏氏皋蘭人年二十九夫亡遺五男二女三子早殤餘俱撫育成立守節三十四年卒

陳立科妻孔氏皋蘭人年二十六夫亡孝翁姑撫孤子守節二十四年卒

居爾仁妻徐氏皋蘭人年二十二夫亡撫幼孤成立守節四十四年卒

蕭武德妻牛氏皋蘭人年二十一夫亡撫遺孤成立守節五十餘

年卒

牛强妻陳氏皋蘭人年二十五夫亡撫孤成立守節三十五年卒

王三畏妻趙氏皋蘭人年二十二夫亡撫遺孤成立守節三十九

年卒

陳國斌妻趙氏皋蘭人年二十六夫亡撫遺孤成立守節三十七

年卒

陳國聰妻楊氏皋蘭人年二十五夫亡撫遺孤成立守節三十九

年卒

李繼蒲妻魏氏皋蘭人年二十五夫亡撫遺孤成立守節五十七

年卒

吳宗禮妻某氏皋蘭人年三十夫亡撫五子均成立守節二十九

年卒

甘肅新通志

卷七十六

人物志

列女

三

狄宗儒妻蘇氏皋蘭人年二十夫亡撫孤成立守節五十一年卒

李秀連妻陶氏皋蘭人年十九夫亡撫孤成立守節四十二年卒

彭立春妻楊氏皋蘭人年二十二夫亡撫遺孤成立守節三十三

年卒

李生財妻魯氏皋蘭人年二十九夫亡撫遺孤成立守節二十六

年卒

武生高奉先妻張氏皋蘭人年二十夫亡孝親撫孤成立守節二

十餘年卒

楊紹清妻高氏皋蘭人年二十九夫亡家貧藉鍼褐撫孤成立守

節三十五年卒

劉正仁妻李氏皋蘭人于歸三年夫亡撫前室子永儒成立年六

十七以節終

高俊林妻劉氏皋蘭人年二十七夫亡無子惟遺一女氏孝事翁姑撫夫兄之子鍾爲嗣守節二十三年卒

張浩若妻高氏皋蘭人年十九夫亡撫孤成立守節三十二年卒
周宗盛妻李氏皋蘭人年二十一夫亡撫遺孤成立守節六十五年卒

曾立忠妻張氏皋蘭人年二十一夫亡其母勸改醮氏毀容自誓撫孤成立守節五十六年卒

李文運妻魏氏皋蘭人年二十六夫逃亡不歸氏紡績度日撫夫猶子成立卒年六十有二

郝承德妻羅氏皋蘭人年二十八夫亡孝奉翁姑撫孤入庠守節五十二年卒

王錫齡妻劉氏皋蘭人年二十二夫亡撫孤瑞雲入泮守節十一年卒

甘肅新通志

卷七十六

人物志 列女一

三

程有琥妻包氏皋蘭人年二十八夫亡翁老子幼鍼黹度日守節三十一年卒

顏學秀妻魏氏皋蘭人年二十夫亡撫孤良佐良儒良侯俱成立守節二十餘年卒

楊萬善妻魏氏皋蘭人年二十六夫亡撫遺孤成立守節三十三年卒

任傑妻李氏皋蘭人年二十九夫亡家貧撫二子成立守節二十年卒

安華義母王氏皋蘭人年二十九夫亡孝事翁姑姑歿遺叔方周歲並撫育之守節四十年卒

王廷侯妻趙氏皋蘭人廷侯早歿氏孝事翁姑同治時逆回作亂

三子相繼傷亡遺一孫尙未成立氏以飢餓死守節二十餘年
陳萬祖母王氏皋蘭人年二十夫亡撫孤回亂後萬祖兄弟二人
相繼死氏守節三十餘年卒

張運慶母丁氏皋蘭人年十九夫亡運慶將成立而死氏守節三十餘年卒

楊永詩妻劉氏皋蘭人年二十五夫亡撫遺孤成立守節三十五年卒

楊永芮妻郭氏皋蘭人年二十九夫亡撫二子及孤姪成立守節四十年卒

楊爾柁妻王氏皋蘭人年二十二夫亡矢志撫遺孤守節四十九年卒

楊時春妻魏氏皋蘭人年三十夫亡撫孤成立守節三十一年卒

甘肅新通志

卷七十六

人物志 列女一

齊

郭朝藩妻楊氏皋蘭人年二十八夫亡長子尙信次子尙志俱幼
季子尙忠遺腹生矢志撫育守節五十八年見元孫而卒尙志早
歿妻魏氏年二十四事孀姑撫孤子守節三十四年卒

楊連中妻馬氏皋蘭人年二十八夫亡撫子成立子死撫孫守節四十八年卒

王化洽妻竇氏皋蘭人年二十六夫亡同治三年河州逆回擾半
箇川鄉團禦之是時氏守節歷五十餘載壽已六十有六聞夫姪
建勳建元陣亡遂率建勳妻孔氏建元妻居氏孫媳孔氏俱投河
而死

卜云吉妻韓氏皋蘭人云吉流寓庫車充防營印房帖書同治三
年回賊陷庫車云吉遇害時氏年二十餘賊豔其色欲污之氏大
罵不止賊揪其髮髻亂刀斫死

顏烈女小字秋蓮皋蘭人同治四年陝回楊文治等擾北鄉鎮虜堡餘黨竄至石腰溝井見秋蓮欲擄之秋蓮時年十三牽其母裾曰兒甯死絕不舍母隨賊去賊怒斫之引頸受刃而死

張錫母車氏皋蘭人同治四年陝回陷堡氏自縊於室賊去後家人歸見氏顏色如生遂葬焉

邱兆甲妻周氏皋蘭人同治四年陝回圍南園氏奉先祖木主於中庭自刎死

王占元妻楊氏皋蘭人同治四年紅圈逆回糾陝賊掠保定堡氏時年甫二十與家人避匿山洞中賊破洞欲擄氏去先將其幼孩擲死以脅之氏曰如愛我幸勿傷我姑賊許之攜氏上馬行至一村賊入掠繫馬井旁氏見逃難者過呼曰我乃王占元之妻將死於此請寄語吾夫速負母遠遁言畢投井死

甘肅新通志

卷七十六

人物志 列女一

壹

王某妻汪氏皋蘭人早年夫亡守節撫孤一匹匪至以剪刀自刺其心死

通判曹穎生妻吳氏皋蘭人同治五年陝甘督標兵變氏與家中婦女避亂買子堡堡爲河州逆回攻陷氏抱兩歲幼子擊賊被戕時年二十有九

王述先妻胡氏皋蘭人同治五年河州逆回掠東鄉氏時年甫十九奉其姑逃入金縣之李家堡未幾賊來攻堡甚急氏復扶其姑出逃路遇賊欲殺其姑而擄氏氏佯言願從乞釋其姑賊許之氏見姑已入鄰堡奮身投崖死

生員丁殿甲妻石氏皋蘭人同治五年河州逆回犯省城焚掠至楊家溝家人皆被擄氏度不能自脫以糞塗面竄身入山院賊從院上亂刺之徧體糜爛而死時年二十有七

俞好賢妻韓氏皋蘭人年二十三夫亡守節同治五年陝西逆回掠俞家灣氏與家人匿山洞中賊攻洞急氏度不免奮身投崖死李魚娃妻滿氏皋蘭人同治五年陝回掠黑石川隨魚娃逃匿沙院魚娃旋出覓食猝遇賊投水窖死氏聞之攜二子同赴水窖以殉

張璞妻趙氏弟瑤妻王氏皋蘭人同治六年河州逆回犯省城焚掠南園趙謂王曰偷生辱身何面目視息人間遂攜一子二女及王氏投井死

張國欽妻顏氏皋蘭人與張璞妻趙氏同院居其母某氏迎養在室同治六年河州逆回奄至趙氏及子女相率投井氏偕其母亦投井死

貢生居訓妻袁氏皋蘭人小字月華同治六年河州回賊掠南園

甘肅新通志

卷七十六

人物志 列女一

矣

逆氛至小溝橋訓時遊幕在外氏目盲不能逃急以其幼子及女付翁促令入城避之而身自待賊賊至大罵賊怒甚火其居遂被焚死

王吉妻線氏皋蘭人同治六年河州逆回掠南園氏與吉奉姑逃避同行出門未數武遇賊殺其姑及吉以氏少艾強攜上馬行至古槐下旁有流水氏給賊下馬飲水以首觸槐死

張廷桓妻馬氏皋蘭人同治六年河州逆回掠南園氏與同難婦女逃至通遠門門閉不得入次日午後門猶不啟而賊勢已逼度不能自全遂服毒死年三十有五

張亮祖妻張氏弟亮德妻王氏皋蘭人同治六年河州回賊犯省城掠至安定門外響壩時張年三十五王年二十懼遭賊辱並服毒死

史得春妻單氏皋蘭人同治六年河州逆回犯省城掠五泉山下得春被賊戕氏時年二十八避難入城聞得春死痛哭三日服毒以殉

魏丙戌妻王氏皋蘭人同治七年河州逆回掠黑石川丙戌適耕於野爲賊所戕氏痛哭欲以身殉親族以子女幼弱苦勸乃止未幾其子亦被擄去遂雉經而死

楊宗華妻張氏皋蘭人世居北鄉石空寺同治時避逆回之難寓居省城慶安門外黃河沿宗華旋回鄉遇害氏聞信攜一子一女投河死

郝永文妻高氏皋蘭人同治時歸永文未及半載會逆回夜掠郝家川突入堡門氏促永文出與堡人併力禦賊而以廚刀自剄死迨永文卻賊還見氏握刀僵立血淋漓噴壁上面如生時年十八

甘肅新通志

卷七十六

人物志 列女一

李

魏連寶妻李氏皋蘭人夫亡撫三孤俱成立守節二十六年值同治七年逆回陷堡氏死於難

魏連貴妻白氏皋蘭人夫亡撫三子成立守節十八年同治七年回亂堡陷遂殉

牛大英妻方氏皋蘭人同治四年大英充似蘭溝團長擊賊水阜河陣亡氏年二十八家貧子幼藉鍼黹撫育守節二十三年卒

趙存義妻魏氏皋蘭人年二十四夫亡家貧子幼內外無依蘭州道饒應祺準入保節堂留養守節十年卒

舉人徐一奎妻方氏皋蘭人年二十八夫亡無子立從孫爲嗣守節三十八年卒

邱發賢妻韓氏皋蘭人年三十夫亡家貧紡績縫紉撫養諸孤守節四十餘年卒

張克俊妻張氏皋蘭人年二十六夫亡家貧藉鍼黹奉養翁姑撫
二子成立守節六十餘年卒

郝天佑妻張氏皋蘭人年二十三夫亡氏孝事翁姑守節六十七
年卒

雷允和妻馬氏皋蘭人年二十九夫亡氏奉姑撫孤守節三十八
年卒

方位中母張氏皋蘭人年二十九夫亡矢志撫孤親鄰有慶事俱
不赴守節三十四年卒位中入中衛縣庠

監生宋之美妻柴氏皋蘭人年二十七夫亡撫孤守節六十年卒
王有珍妻劉氏皋蘭人道光中有珍充紅水營兵出戍新疆不歸
氏年甫十九貞操自勵歷五十餘年人無間言

相逢春妻楊氏皋蘭人年二十三夫亡奉親撫孤守節三十四年

甘肅新通志

卷七十六

人物志 列女一

亥

卒

王化鳳母陳氏皋蘭人年三十一夫亡撫諸孤成立守節四十二
年卒先是同治六年河州回賊犯省城河鎮營勇自平番來援阻
於河不得渡氏家於河北令其子化鳳等約集族鄰牽船接渡勇
旣渡河遂卻賊於龍尾山時人以氏爲明於大義

于文章妻楊氏皋蘭人年二十七夫亡遺二子家貧傭工不足餬
口撫長子而賣其次子長子旣授室而死復撫其孫守節三十五
年卒

朱貴妻李氏皋蘭人年二十四夫亡事孀姑撫孤守節四十年卒
秦維峴妻龔氏皋蘭人年二十夫亡矢志奉姑撫一歲孤貴嘉成
立守節四十八年卒

署高臺縣知縣管笙妾段氏皋蘭人生一子名康生笙被議歸置

氏母子於蘭數年氏攜子歸笙已歿數月氏以刀自刎時光緒八年五月十七日也

張文衡妻陳氏皋蘭人年二十一夫亡無子繼夫姪國亮爲嗣守節四十餘年卒

景鑄鎔妻程氏皋蘭人年二十四夫亡遺孤幼姑欲奪其志氏對天自誓守節終身

崔廷姜妻牟氏皋蘭人年二十二夫亡家貧傭鍼以撫二孤旣長皆死又撫遺孫守節四十九年卒

滕文忠妻張氏皋蘭人年二十四夫亡家貧傭工奉事老姑撫二子成立守節四十六年卒

楊貴春妻甘氏皋蘭人年二十九夫亡無子撫夫姪清儒爲嗣守節四十七年卒

甘肅新通志

卷七十六

人物志 列女一

堯

劉璫妻宋氏皋蘭人年二十二夫亡撫二孤夢芝夢梓成立守節二十八年卒

王維峴妻李氏皋蘭人年二十四夫亡時孕已彌月越五日生子辛苦撫育守節四十年卒

李逢吉妻劉氏皋蘭人年二十九夫亡翁年逾七旬病拘攣氏孝養備至十年如一日撫二子成立守節五十年卒

韓廷炎妻牛氏皋蘭人年十九夫亡無子孝事翁姑撫夫姪友彩爲嗣守節六十七年卒

韓增才妻朱氏皋蘭人年二十八夫亡孝事翁姑撫二孤成立守節二十八年卒

王殿賢妻任氏皋蘭人年十九夫亡翁姑老家貧耘田撫孤有勸其改醮者卽詈辱之守節五十七年卒

李滄妻劉氏皋蘭人年二十四夫亡子毓芳甫周歲矢志撫育守節二十四年卒

李毓芬妻劉氏皋蘭人年二十五夫亡好行善事鄉里有善人之目守節三十年卒

劉大吉妻王氏皋蘭人年十九夫亡孝事翁姑辛苦撫孤守節五十年卒

俞正德妻孫氏皋蘭人年二十九夫亡事翁孝撫二孤成立守節四十七年卒

俞朝宰妻辛氏皋蘭人年二十八夫亡事翁孝撫二孤成立守節三十年卒

把總白忠妻王氏皋蘭人年二十七夫亡子琳眞幼矢志撫育琳眞遊庠後早逝復撫遺孫守節四十餘年卒

甘肅新通志

卷七十六

人物志 列女一

三

教職王鑑潭妻史氏皋蘭人鑑潭署平涼府教授歿於任所氏年二十九無子撫夫弟之子炳爲嗣姻戚有喜慶宴會俱不赴炳遊庠食餼守節三十餘年卒

文童居适母段氏皋蘭人夫早亡撫孤子成立苦志守節二十年卒

從九段錫齡母譚氏皋蘭人年二十八夫亡撫子成立守節二十餘年卒

文童滕文炳祖母徐氏皋蘭人夫早亡撫孤尙綱成立及光緒十六年又亡撫遺孫育之成立茹苦含辛守節三十五年卒

張萬悅妻達氏皋蘭人同治初回陷張家河口堡萬悅率團禦賊陣亡氏撫孤痛哭畢投河以殉

張國文妻劉氏皋蘭人國文病癡語言不能了了有所操作恆用

手代口氏以義命自安事之惟謹及國文沒氏年二十七遺腹生子煦撫之成立家苦貧鬻醢及鍼帚自給守節四十年卒

牟孔祥妻羅氏皋蘭人孔祥隨其兄考祥於廣東任所病沒氏時年三十聞信矢志守節奉姑撫孤守節終身

林國權妻高氏皋蘭人年二十一夫亡無子戚里勸令改醮氏怒絕之撫夫兄之子朝儒爲嗣守節四十餘年卒

金平泉妻余氏皋蘭人年二十九夫亡撫孤成立而死復撫繼孫守節四十餘年卒

劉海妻王氏皋蘭人年二十八夫亡家貧紡織自給撫四子二女俱婚嫁守節四十餘年卒

金存亨妻劉氏皋蘭人同治六年河州逆回犯省城存亨隨鄉團禦賊東川陣亡氏奉翁姑撫孤成立守節終身

甘肅新通志

卷七十六

人物志 列女一

十一

張保士妻王氏皋蘭人年二十四夫亡無子孝事老姑撫夫姪蘭爲嗣節操炳然守節四十餘年卒

劉柏齡妻蔣氏皋蘭人年二十四夫亡家貧子幼藉鍼帚撫育守節二十餘年卒

武生胡延齡妻陶氏皋蘭人年二十四夫亡苦節自守撫子文繡成立文繡官把總

周建禮妻陸氏皋蘭人年三十夫亡撫孤學伸成立守節三十餘年卒

李遇芳妻石氏皋蘭人年二十二夫亡撫孤進林將成立同治時死於回難復撫夫姪寶林爲嗣守節四十餘年卒

顏學通妻王氏皋蘭人年二十四夫亡無子苦節自守繼族子爲

嗣

馬國俊妻張氏皋蘭人年二十一夫亡二子俱幼守節撫育平日口無戲言面無笑容鄉黨敬之

王福貴妻蔡氏弟喜貴妻宋氏皋蘭人福貴喜貴充陝甘督標營兵咸豐間從征揚州髮逆同日陣亡時蔡年二十四宋年二十一各生一子俱幼並矢志撫育蔡子死或疑其有他志蔡曰妣子卽我子願與妣共撫之貞操彌厲卒以節終

李功妻魏氏皋蘭人年二十三夫亡孝事翁姑撫遺腹子積楨成立子死復撫孫守節四十餘年卒

魏法侯妻高氏皋蘭人年三十夫亡家貧藉鍼黹撫孤子死復撫孫守節四十餘年卒

顏學理母魏氏皋蘭人年二十六夫亡家貧翁老織絨褐以養撫子學理成立守節終身

甘肅新通志

卷七十六

人物志

列女一

三

黃繼先母郭氏皋蘭人年二十三夫亡孝翁姑撫孤子守節終身
魏繼誠妻顏氏皋蘭人年二十五夫亡叔姑在堂守節奉養撫二子俱入泮守節終身

高永靖妻蘇氏皋蘭人年二十九夫亡家貧傭工自給孝事叔姑撫孤成立守節終身

曾敬義妻郝氏皋蘭人年十九夫亡家貧祖翁及孀姑在堂紡績奉養撫孤成立入泮守節終身

王麟瑞妻高氏皋蘭人年二十九夫亡子幼家貧時其妣亦孀居並勤薪績以養老翁未幾氏子夭沒苦節彌貞

王功成妻張氏皋蘭人年二十夫亡翁姑老子幼母家諷令改醮氏痛哭不言遂不復歸甯紡績守節撫孤成立

羅洪妻張氏皋蘭人年二十夫亡無子衣食不給兄子勸令改適

拒絕之有周濟亦不受薪績自給節操凜然

高安泰妻羅氏皋蘭人年二十六夫亡家貧守節翁姑老子廷桂尚幼藉紡績奉養撫孤成立

楊際豐妻張氏皋蘭人年二十一夫亡無子矢志守節其妹勸改醮慟哭不從撫夫兄之子爲嗣

廩生王鈺妻林氏皋蘭人年三十夫亡撫孤將成立而天守節不變

劉義妻蔡氏皋蘭人年三十夫亡守節撫孤成立

林毓珽妻練氏皋蘭人年二十八夫亡矢志撫孤艱苦備歷

耿燧妻劉氏皋蘭人年三十夫亡矢志守節撫孤成立

金百鎧妻邸氏皋蘭人年三十夫亡守節撫二子成立

仲嗣聖妻徐氏皋蘭人年二十八夫亡守節撫子女成立

甘肅新通志

卷七十六

人物志 列女一

三

陳立中妻李氏皋蘭人年二十六夫亡苦志守節

楊生成妻彭氏皋蘭人年二十七夫亡家貧守節撫二子成立

李正元妻段氏皋蘭人年二十五夫亡苦志守節

張銘妻焦氏皋蘭人年二十五夫亡守節撫孤成立

蘇有豐妻王氏皋蘭人年二十夫亡食貧守節撫孤成立

陳元龍妻馬氏皋蘭人年二十二夫亡撫孤守節閨範肅然

姚文洙妻王氏皋蘭人年二十二夫亡矢志守節

陳訓忠妻顏氏皋蘭人同治時訓忠殉回難氏年二十有六守節

奉姑撫子成立

陳懷泰妻魏氏皋蘭人年三十夫亡守節撫子子授室而死復撫

遺孫

王三多妻張氏皋蘭人年二十夫亡遺子未逾歲苦節撫育子將

授室而死哭泣喪明撫夫姪爲嗣

王文修妻任氏皋蘭人年二十六夫亡矢志守節撫孤成立

劉謙吉妻張氏皋蘭人年二十八夫亡撫孤守節備歷艱辛

李世珩妻曾氏皋蘭人年十九夫亡家貧苦節撫孤成立

庠生陶中魁妻某氏皋蘭人年二十八夫亡矢志守節撫孤成立

馬國寶妻狄氏皋蘭人年二十二夫亡矢志守節撫孤成立

李岳宗妻陶氏皋蘭人年二十五夫亡矢志守節撫二子成立

牛寶玉妻張氏皋蘭人年二十一夫亡無子矢志守節爲夫立嗣

丁仲順妻章氏皋蘭人年二十九夫亡矢志守節撫孤成立

高玉田妻張氏皋蘭人年二十八夫亡守節撫三子成立

吳福亨妻張氏皋蘭人年三十夫亡守節撫養子女

張俊理妻楊氏皋蘭人年三十夫亡矢志守節三十七年卒

甘肅新通志

卷七十六

人物志 列女一

七

吳緒盛妻孫氏皋蘭人年二十六夫亡矢志守節

詹期鳳妻李氏皋蘭人年二十九夫亡矢志守節撫三子一女成立

花五順妻王氏皋蘭人年二十八夫亡矢志守節

龔六娃妻何氏皋蘭人年二十夫亡矢志守節

劉自新妻趙氏皋蘭人年二十二夫亡矢志守節

朱永富妻孫氏皋蘭人永富充陝甘督標營兵咸豐時從征髮逆

陣亡氏年二十一撫孤守節

談法公妻蘇氏皋蘭人年二十八夫亡守節撫孤得魁成立

田毓恭妻李氏皋蘭人年二十八夫亡苦志守節撫孤成立

顏維祖妻蘇氏皋蘭人年二十七夫亡矢志守節撫孤成立

劉爾泗妻袁氏皋蘭人年二十二夫亡矢志守節

郭世温妻施氏皋蘭人同治五年世温隨鄉團擊賊陣亡氏年三十矢志守節賣餅餌撫二子成立

石炯妻陸氏皋蘭人年二十二夫亡守節家極貧爲人澣衣以撫二子既長皆沒繼夫姪生彩爲嗣

金秉鉞妻丁氏皋蘭人年二十二夫亡守節艱苦撫孤成立

蘇有用妻孫氏皋蘭人年二十八夫亡矢志守節

顏學魁妻孔氏皋蘭人年二十五夫亡矢志守節

庠生趙成鎔妻錢氏皋蘭人年二十九夫亡矢志守節

劉建度妻馬氏皋蘭人同治時建度殉回難氏年三十矢志守節
魏得儒妻陶氏皋蘭人年二十二夫亡二子俱幼家貧藉女紅自給長子殤撫次子成立

梁傑妻柴氏皋蘭人同治時傑與姪生輝同殉回難時氏年二十

甘肅新通志

卷七十六

人物志 列女一

七

九生輝妻劉氏年二十七共誓死守志

陳立賢妻任氏皋蘭人年二十八夫亡守節

江之甌妻陳氏皋蘭人年二十九夫亡衣食無資依母家守節
任永妻羅氏皋蘭人年二十九夫亡家貧守節二子俱幼芸田撫養

王坤傑妻陳氏皋蘭人年三十夫亡矢志守節撫三子成立

楊鍾祥妻魏氏皋蘭人年二十八夫亡子生甫三月矢志守節藜藿自甘

郭達元妻王氏皋蘭人年二十三夫亡子幼家貧矢志守節

武生魏俊英妻陳氏皋蘭人年二十四夫亡守節家貧藉鉞耨撫二子一女成立

牛大繼妻趙氏皋蘭人年二十九夫亡無子苦志守節撫夫姪爲

嗣

翟世英妻朱氏皋蘭人年二十五夫亡矢志守節撫孤入庠

張希賢妻陳氏皋蘭人年二十六夫亡矢志守節

石集音妻張氏皋蘭人年二十八夫亡守節艱苦備嘗

張撞杏妻陸氏皋蘭人年二十八夫亡苦志守節

陶六存妻楊氏皋蘭人年三十夫亡矢志守節

石育理妻蘇氏皋蘭人年二十五夫亡辛苦守節

侯定忠妻高氏皋蘭人年二十九夫亡守節家極貧乞食撫養二

子同治八年土勇王某欲強妻之糾其黨來劫氏以鐵斧斫傷一

人餘始奔散由是貞操益厲

葛繼源妻張氏皋蘭人年十八適繼源姑已卽世翁在堂侍養甚

謹會年荒穀貴朝夕饜糠秕而奉翁者必甘旨適口翁卒相夫殯

甘肅新通志

卷七十六

人物志 列女一

美

葬哀毀盡禮姑有遺女年十三未習女紅遂悉心教導勤勤不倦
及笄遣嫁裝奩應有儘有皆手自經理人以此尤賢之同治十二
年氏二十有九子富海甫二歲夫亡守節二十九年卒

安世樂妻丁氏皋蘭人同治三年河州逆回掠羊寨世樂充團丁
禦賊陣亡時氏年三十奉姑撫子回賊屢擾本村輾轉逃匿艱窘
萬狀卒得完節

張應第妻高氏皋蘭人年二十六夫亡守節撫二子同治八年河
州逆回掠太平溝攻破其堡氏被執不屈賊刃之佯死僵臥積屍
中以免

庠生丁文清母張氏皋蘭人同治中河州逆回掠瓦埠山文清父
死難氏年二十四守節撫孤成立

甘元祥妻楊氏皋蘭人年二十一夫亡子國孝生甫八月守節撫

育成立

滕文學妻楊氏皋蘭人年二十四夫亡遺孤甫周歲貞操自厲
劉夢芝妻張氏皋蘭人年二十九夫亡守節撫子女俱婚嫁夫弟
病故遺子幼並撫之成立

劉三林妻瞿氏皋蘭人年二十七夫亡孝奉翁姑撫二子俱成立
武生陳殿魁妻蔣氏皋蘭人年十九夫亡守節撫子子成立而亡
復撫遺孫艱苦尤甚

何有典妻趙氏皋蘭人河州逆回掠深壑巘攻陷本村有典自刎
殉難氏年三十被執守節不屈賊以火灼之死而復蘇奉翁逃入
省城孝養備至又勤於訓子遂得入泮

哈兆亨妻馬氏皋蘭人年二十六夫亡守節終身

李向榮妻牟氏皋蘭人賦性端嚴孝事翁姑年二十夫亡無子苦

甘肅新通志

卷七十六

人物志

列女一

七

志守節撫夫弟之子爲嗣既成立子媳相繼俱死復撫遺孫

崔兆殿妻楊氏皋蘭人年二十二夫亡矢志守節撫孤成立子亡
復撫二孫

趙善儒妻李氏皋蘭人年二十六夫亡守節終身

蕭萬華妻王氏皋蘭人年二十八夫亡守節終身

劉謙吉妻張氏皋蘭人年二十八夫亡守節終身

賈茂妻朱氏皋蘭人年二十八夫亡守節終身

馬中寶妻仝氏皋蘭人年二十九夫亡守節終身

孫三智妻苗氏皋蘭人年三十夫亡守節終身

蕭子美妻王氏皋蘭人奉姑撫孤守節終身

童生趙記妻張氏皋蘭人于歸後孝奉翁姑年二十五夫亡撫孤
成立後子殉回難又撫遺孫守節四十六年卒

生員吳杜齡妻何氏皋蘭鄉賢吳可讀之次孫媳也夫亡將以身殉家人百方勸解並嚴防之氏遂居如常度迨含殮後乘間吞毒死經山西巡撫胡聘之請 旌奉 旨准入祀原籍節烈祠
從九蔣祿妻王氏皋蘭人年二十九夫亡孝奉翁姑撫遺腹子成立後子中年亡復撫夫族曾孫爲嗣守節四十年卒已蒙 旌表
孫世有妻孫氏皋蘭人年十七夫亡家貧紡績奉翁姑撫孤成立由武舉從征以功擢守備氏 誥封恭人守節四十七年卒已蒙

旌表

童生鄧彥福妻杜氏皋蘭人年二十一夫亡家貧紡績撫孤咸林成立從戎新疆以功保花翎總兵氏 誥封夫人守節終身
童生陳爾源妻高氏皋蘭人年二十六夫亡家貧藉鍼帚奉翁姑撫孤舅氏某憐其苦假以斗粟氏必按時價以償曰吾不忍以孤

甘肅新通志

卷七十六

人物志 列女一

夫

孀累親戚也苦節五十年卒

王化敏妻郭氏皋蘭人年二十夫亡孝奉孀姑撫孤成立守節五十年卒

董成信妻施氏皋蘭人成信陣亡氏年二十八撫孤成立守節三十二年卒

武有年妻張氏皋蘭人年二十二夫亡家貧力作奉翁姑撫孤成立守節四十二年卒

童生馬健妻鮮氏皋蘭回籍年二十一夫亡孝奉翁姑姑病篤氏晝夜侍藥必親嘗遺孤又殤以夫姪中律爲嗣嘗以鍼帚伴兒讀書非夜分不止寒暑無間中律成進士用知縣氏守節五十三年卒已蒙 旌表

劉鎔妻王氏皋蘭人年二十九夫亡無子家貧甚夫弟尙幼氏與

繼姑柴氏共撫育成立後以夫姪爲嗣守節四十年卒

劉國鈞妻薛氏皋蘭人年二十夫亡撫孤超祖成立後子亡媳薛氏之姪女也奉孀姑撫遺孤入其門見姑紡媳織機聲相對姑守節四十一年卒媳守節三十三年卒

廩生孫林桂妻孔氏皋蘭人年二十九夫亡孝奉翁姑撫孤成立守節二十四年卒

把總白之升妻劉氏皋蘭人年二十夫亡撫孤成立守節四十二年卒

貢生白蘊華妻雒氏皋蘭人年二十六夫亡撫孤成立守節三十三年卒

李生才妻魯氏皋蘭人年二十四夫亡家貧遺孤甫四齡爲人澣衣以資撫養守節終身

甘肅新通志

卷七十六

人物志 列女一

五

王法文妻柴氏皋蘭人年二十八夫亡家貧藉十指撫孤成立後子亡又撫遺孫守節五十一年卒

童生彭泳妻鄭氏皋蘭人年二十五夫亡遺孤正甫一歲夫姪述舜三歲失怙恃氏並撫之成立守節三十四年卒

徐正倫妻晏氏皋蘭人年二十七夫亡家貧憑縫紉撫孤成立守節三十五年卒

原任督標前營遊擊吳松堯妻線氏皋蘭人松堯出征陣亡氏年二十六無子足不出戶兩撫夫姪爲嗣均夭殤復立夫姪孫以襲夫職守節三十五年卒

李回春妻王氏皋蘭人年二十一夫亡家貧無依鄰子窺其少艾賄媪說之氏毀容自矢鄰子聞而愧悔守節四十一年卒

魏連祿妻王氏皋蘭人于歸後孝奉翁姑夫病氏刲臂和藥進卒

弗愈既沒典衣以葬遺孤忠武義武俱幼氏傭工度日艱苦備嘗忠武年十五投効楚軍愿保都司氏以節卒

劉美庫妻曹氏皋蘭人于歸後孝奉翁姑姑性嚴氏善事無違姑怒則長跪乞哀後姑病親嘗湯藥衣不解帶者七旬日夜禱神願減已年以增姑壽姑沒時夫貿易於外氏哀痛過甚鄉人咸稱孝婦

高守敬妻楊氏皋蘭人回亂掠其翁振桂並其夫與兩子氏適在野挑菜聞之痛哭歸家攜衣物向賊中贖翁者數次賊感其孝並釋之

高從武妻齊氏皋蘭人年十九夫亡撫孤成立守節五十年卒

馬進善妻鄭氏皋蘭人年二十三夫亡撫孤成立守節四十二年卒

甘肅新通志

卷七十六

人物志 列女一

三

柳庭芝妻李氏皋蘭人年二十二夫亡孝奉翁姑撫孤培祖成立後又早亡媳呂氏年二十三奉孀姑撫遺孤姑守節五十七年卒媳守節三十三年卒

崔有琳妾某氏皋蘭人年十八夫亡姑沒孝奉翁侯翁娶繼姑值夫週年祭奠畢服毒死

費國宰妻張氏皋蘭人年二十夫亡撫孤成立守節六十年卒

王顯妻張氏皋蘭人年二十四夫亡無子繼夫姪爲嗣後嗣子亡又撫夫堂姪有倉爲嗣有倉亦早亡苦節五十四年卒

曹金花妻何氏皋蘭人年二十九夫亡撫四子成立守節六十一年卒

馬進山妻鄭氏皋蘭人年二十三夫亡無子撫夫姪爲嗣守節五十年卒

石某妻王氏皋蘭人年二十八夫亡撫孤成立守節終身

鍾朝彥妻王氏皋蘭人年二十八夫亡撫孤成立守節五十五年卒

鍾永遐妻廖氏皋蘭人年二十一夫亡撫遺腹子成立守節五十年卒

許爾敬妻王氏爾桓妻李氏皋蘭人兄弟相繼亡家貧王年二十七撫孤欽銘欽鈞欽錡成立李年二十三撫孤欽謨欽訓欽誥成立欽謨入庠王守節五十四年卒李守節五十六年卒

崔萬鋒妻楊氏皋蘭人早年夫亡守節終身萬鋒孫福旺妻孔氏亦夫亡守節先後同蒙 旌表福旺孫兆殿妻楊氏年二十一夫亡奉姑撫孤守節五十餘年卒

王喜妻孔氏皋蘭人年二十餘夫亡孝奉翁姑撫孤成立守節終

甘肅新通志

卷七十六

人物志 列女一

全

身

崔廷江妻牟氏皋蘭人年二十三夫亡撫孤成立守節四十四年卒

尹恕妻張氏皋蘭人年二十八夫亡撫孤成立後子亡又撫遺孫守節五十二年卒

牟際春妻吳氏皋蘭人年二十八夫亡撫孤成立守節三十五年卒

彭守志妻魏氏皋蘭人年二十八夫亡撫孤成立後子亡又撫遺孫守節終身

王泰爲妻魏氏皋蘭人泰爲殉回難氏年二十二撫孤成立守節三十四年卒

王守忠妻韓氏皋蘭人年二十一夫亡撫孤成立後子亡又撫遺

孫守節四十餘年卒

滿育俊妻范氏皋蘭人年二十四夫亡撫孤尙忠成立後子亡又撫遺孫守節五十二年卒

周江妻魏氏皋蘭人年二十五夫亡撫孤成立守節五十二年卒
蕭武德妻牛氏皋蘭人年十九夫亡撫孤成立守節終身光緒間

旌表

彭元忠妻王氏皋蘭人年二十九夫亡撫孤成立守節五十一年卒

彭立春妻楊氏皋蘭人年二十夫亡撫孤成立守節二十六年卒
王立庭妻汪氏皋蘭人年二十八夫亡撫二孤成立後二子亡又撫遺孫守節四十四年卒

王化棟妻楊氏皋蘭人年三十夫亡撫孤成立守節三十四年卒

甘肅新通志

卷七十六

人物志 列女一

全

焦保元妻黎氏皋蘭人年二十九夫亡撫孤成立後子亡復撫夫姪爲嗣守節三十二年卒

魏興謨妻子氏皋蘭人年二十七夫亡無子孝奉翁姑撫夫姪生榮爲嗣守節四十二年卒生榮後官千總

平番童生繆錫科妻張氏皋蘭人年十七子歸孝奉翁姑後夫亡七七日至墳哭泣祭畢從容自縊

監生劉綽之妻常氏皋蘭人年二十四夫亡撫孤煥章成立取併生守節四十二年卒

王有權妻李氏皋蘭人年二十七夫亡撫二歲孤成立守節二十八年卒

奈印甲妾潘氏皋蘭人年三十夫亡無子家中議取他姓子爲嗣氏力持不可因取夫族子爲嗣撫育成立守節二十八年卒光緒

壬午奈氏被火連楹盡燬將及氏舍忽驟雨烈焰頓息人以爲天彰隱德云

王安平妻耿氏皋蘭人夫早亡撫孤成立苦節終身已蒙旌表
孫爾琳妻賈氏皋蘭人夫早亡撫孤成立苦節終身已蒙旌表
張啟貞妻王氏皋蘭人夫早亡撫孤成立苦節終身已蒙旌表
李會芳妻某氏皋蘭人早年夫亡孝奉翁姑撫孤成立守節三十餘年卒

鄭錫齡妻某氏皋蘭人早年夫亡孝奉翁姑撫孤成立守節四十餘年卒

王維善妻某氏皋蘭人早年夫亡家貧藉縫紉撫遺孤成立守節三十餘年卒

丁某妻邱氏皋蘭人早年夫亡撫孤成立守節終身

甘肅新通志

卷七十六

人物志 列女一

三

任某妻党氏皋蘭人早年夫亡撫孤成立守節終身

趙國泰妻吳氏皋蘭人早年夫亡撫孤成立守節終身

戴文科妻朱氏皋蘭人早年夫亡撫孤成立守節終身

張明倫妻達氏皋蘭人早年夫亡撫孤成立守節終身

史謀妻楊氏皋蘭人夫亡奉姑撫孤守節終身

徐氏佚夫姓名皋蘭人夫亡哭之終夜次日吞毒自盡時年二十一

秦某妻顏氏皋蘭人夫從征揚州陣亡氏年十九撫孤成立守節

三十七年卒

溫其恭妻楊氏皋蘭人年二十四夫亡無子家貧以鍼工自給守節三十八年卒

于某妻彭氏皋蘭人夫亡未及七日吞毒自盡時年二十一

宋元妻張氏皋蘭人元官肅州雙塔堡千總病亡甫七日氏自盡

蘭某妻魏氏皋蘭人年二十九夫亡生子未及月撫育成立守節四十二年卒

房文滙妻史氏皋蘭人靈州營守備史永祿之女夫亡殯後第二日服毒以殉時年二十旌蒙 旌表

華亭教諭張慎德妻章氏皋蘭人年二十六夫病歿任所遺孤士選甫五歲多病家貧撫育成立入庠守節三十二年卒

揀選知縣皋蘭舉人吳房齡繼妻謝氏四川人鄉賢吳可讀之長孫媳隨夫幕遊江甯夫病氏親侍湯藥乞以身代迨病危氏先仰藥以殉夫即於次日亦歿時氏年二十九經兩江總督張人駿奏請 旌表

錢守本妻王氏皋蘭人年二十六夫亡撫孤育英成立入庠後子亡復撫兩孫成立長孫寶涵入庠守節五十九年現存

甘肅新通志

卷七十六

人物志

列女一

舍

王緒連妻薛氏皋蘭人年二十五夫亡撫孤成立守節五十一年現存

王立誥妻陶氏皋蘭人年二十八夫亡撫遺腹子成立守節五十年現存

王化長妻汪氏皋蘭人年二十九夫亡撫孤成立守節四十九年現存

方可愷妻安氏皋蘭人年二十九夫亡撫孤成立守節四十八年現存

李國仁妻安氏皋蘭人年二十七夫亡撫孤成立守節四十五年現存

王化敏妻郭氏皋蘭人年二十夫亡撫孤成立守節四十五年現存

魏忠誠妻王氏皋蘭人夫殉回難氏年二十遺孤出外無耗家貧挑菜餬口撫夫姪全龍爲嗣守節四十餘年現存

廖寶琳妻歐氏皋蘭人寶琳陣亡氏年二十七撫二孤成立守節四十年現存

汪榮妻邱氏皋蘭人榮曾官涼州甯遠堡營守備氏早年于歸同治五年標兵亂榮死之時氏年僅二十四歲撫育二子備極艱辛適其姊又病歿遺孤張成魁孤苦無依氏並撫之與所生同後長子亡次子亦病廢氏復撫孫暨孫女計守節四十餘年現存

增生李鍾翰繼妻王氏皋蘭人年二十三夫亡孝奉老姑撫前室子逢昶與己子九如均成立九如由舉人揀選直州同歸陝西候補氏守節四十年現存

孫學芳妻顏氏皋蘭人年二十八夫亡撫孤成立守節二十九年

甘肅新通志

卷七十六

人物志 列女一

五

現存

王履泰繼妻陳氏皋蘭人履泰殉回難氏年二十九無出撫前室遺孤成立後子亡復撫遺孫守節三十八年現存

安榮妻張氏皋蘭人年二十三夫亡撫孤成立守節三十五年現存

佾生劉煥章妻金氏皋蘭人年十九夫亡無子孝奉孀姑撫嗣子成立守節三十五年現存

苗毓彩妻段氏皋蘭人年二十五夫亡撫三子成立守節三十二年現存

監生曹鴻鈞繼妻蘇氏年二十一夫亡遺前室子僅七齡已生子在襁褓氏矢志守節茹苦含辛教養二孤又撫四齡同母妹俱成立苦節三十餘年現存

張貞女皋蘭武弁女以父母無子己當生侍養死葬祭矢志不嫁
現年四十餘歲父母已亡里人稱為老貞女

附同治間回亂殉難列女表

吳氏 平涼府教授段仿仁妻

右二年八月分

賈氏 王化洽妻節婦

孔氏 王建勳妻

居氏 王建元妻

孔氏 賈氏孫媳

党氏 孔昭銘妻

張氏 增生孔昭鈔妻

車氏 張錫妻

魁氏 孔昭鈔妻

蘭桂

三桂 俱孔昭鈔女

右三年五月分

巫氏 肅州學正邵繩祖妻 楊氏 邵繩祖妾

桂蔭 邵繩祖女

右四年二月分

史氏 孫均妻

甘肅新通志

卷七十六

人物志 列女一

六

右五年正月分

滿氏 李魚姓妻攜二子殉 吳氏 候選州同曹穎生妻

談氏 候選同知曹蘭生妻

王氏 中書鄭錫齡妻

鄭氏 俱陳蔚如媳

楊氏 廩生陳蔚如妻

牟氏

王氏

劉氏 柏來娃子妻

陳氏 柏舉才妻

陳氏 楊尗子妻

胡氏 柏學存子妻

劉氏 柏來娃子妻

王氏 柏尗來子妻

張氏 周三保子妻

徐氏 周五子妻

孔氏 部二尗子妻

柏氏 部三尗子妻

蔣氏 陳五得子妻

陳氏 陳才子妻

王氏 部免娃子妻

李氏 柏世得子妻

張氏 柏尗文妻

陳氏 劉建科妻生員劉鍾翰母

謝氏 劉繼銓妻

顏氏 劉廷芳妻

胡氏 劉建浸妻

陳氏 劉六十二妻

蔣氏 劉鎮得子妻

許氏 劉建斗妻

王氏 劉繼誥妻

廖氏 劉迺序妻

周氏 劉繼堯妻

陳氏 劉建春妻

王氏 劉繼存妻

倪氏 劉繼儒妻

錢氏 劉迺榮妻

陳氏 劉迺貴母

錢氏 劉迺位子妻

歐氏 劉迺奎妻

孫氏 劉迺楨妻

王氏 劉迺強妻

張氏 劉繼孝妻

顏氏 劉繼康妻

王氏 劉冬娃

周氏 劉練存

楊氏 陳代娃

王氏 陳重妻

蘇氏 陳博

劉氏 陳德

鍾氏 陳瑤

歐氏 陳鴻

許氏 陳慧

孫氏 陳根存

許氏 陳福

土氏 錢塘

馬氏 錢燈

劉氏 錢俊

張氏 錢五娃

李氏 錢湧

劉氏 錢溶

鍾氏 錢仲福

許氏 生員楊

劉氏 楊九娃

孫氏 楊五八

錢氏 楊銀筒

徐氏 楊保存

高氏 楊六娃

劉氏 楊承

王氏 楊拴拴

蔣氏 楊尕牛

李氏 楊國娃

王氏 楊尕國

王氏 盧長

錢氏 盧長

劉氏 盧長

劉氏 盧長

吳氏 盧長

劉氏 王尕卓

管氏 王操个

楊氏 王管保

錢氏 王兆

趙氏 王克

楊氏 王尕臭

盧氏 王午未

管氏 王辰未

趙氏 王卯未

錢氏 王五七

汪氏 王爾

馬氏 吳尕

何氏 吳大

陳氏 吳大

常氏 吳世

許氏 吳尕

歐氏 柳育

劉氏 張自

陳氏 張克

劉氏 張萬箇

瞿氏 張銀娃

劉氏 孫保保

劉氏 孫九九

王氏 閻增

郝氏 閻增

盧氏 顏根九

孫氏 包萬

牟氏 賈廷

袁氏 任國

許氏 李長

王氏 李長

陳氏 孔麻

吳氏 牟家保

錢氏 牟王保

張氏 顏四倍

張氏 四倍

王氏 周作

王氏 周文

廖氏 管維

王氏 管緒

姚氏 徐玉娃

吳氏 孫三回

陳氏 賈世

劉氏 彭延

孫氏 彭立

朱氏 彭貴

于氏 彭及慶

朱氏 彭大

于氏 彭存

曹氏 彭登

耿氏 彭九

曹氏 彭登

王氏 彭根娃

安氏 彭延

魏氏 彭萬

于氏 彭全

于氏 彭長午

孫氏 彭有

于氏 鍾萬

魏氏 彭體

陸氏 彭萬

牟氏 彭萬

王氏彭自得子妻

孟氏彭四娃妻

劉氏彭五妻

柳氏劉亮勳妻

楊氏劉建勳妻

陳氏劉萬化妻

王氏劉萬文妻

王氏余萬才妻

柳氏劉萬昌妻

張氏劉萬序妻

王氏劉錫霞妻

王氏劉錫璧妻

陳氏劉錫賓妻

陳氏劉錫璠妻

周氏劉錫金妻

柴氏劉法古妻

朱氏劉錫春妻

李氏劉千錢妻

李氏劉承千妻

趙氏劉錫運妻

劉氏瞿持德妻

陳氏瞿延譽妻

齊氏瞿延華妻

牟氏瞿萬孝母

趙氏瞿萬常母

王氏瞿貞德妻

顏氏瞿立桐妻

王氏瞿立言妻與幼子狗

信保同殉狗幼孫忠

溫氏牟正心母

侯氏牟正德妻

牟陳氏

牟李氏

牟彭氏

牟王氏

牟陳氏

牟王氏

牟王氏

牟王氏

牟張氏

牟王氏

牟陳氏

牟王氏

牟陳氏

牟陳氏

牟伯氏

牟史氏

牟蔣氏

甘肅新通志

卷七十六

人物志 列女一

牟魏氏

牟侯氏

牟彭氏

牟單氏

牟盧氏

牟陳氏

牟蔡氏

牟田氏

牟楊氏

牟柴氏

牟楊氏夫名均未詳

蔣氏陳鉅妻

張氏陳長四母

王氏陳建禮母

王氏陳福壽母

廖氏陳得萬妻

高氏陳元極妻

孫氏陳元統妻

劉氏陳元統妾

馬氏陳八寶妻

王氏陳大禮妻

王氏陳大義妻

楊氏陳舜華母

劉氏陳佛僧保母

賈氏陳己丑妻

李氏陳兆仁妻

劉氏陳兆禮妻

劉氏陳羊換妻

丁氏陳得會母

周氏陳得會妻

馬氏陳得明妻

李氏王郝子妻

王趙氏

王丁氏

王王氏

王瞿氏

吳氏攜孩同殉

談氏夫名均未詳

右五年三月分

張氏易登科妻

右五年七月分

劉氏陳建猷妻
子媳同殉

右五年九月分

汪氏安定營守備
秦兆祥妻

右六年四月分

邵氏夫名未詳 董朱氏陝西富平縣民婦攜
子出逃遇賊被害 安氏郟發
苞妻

閻氏王吉
母 顏氏王爾福
嫡母 竇氏王爾
福妻 錢氏郟兆
松妻

線氏王吉
妻

右六年八月分

李王氏 李滿氏 李張氏 李楊氏

李彭氏 李張氏 李王氏 李張氏

李陳氏 李許氏 李魏氏 李京氏

甘肅新通志

卷七十六

人物志 列女一 孕九

李魏氏 李楊氏 李魏氏 李王氏

李魏氏 李陳氏 李李氏 李王氏

李滿氏 李李氏 李魏氏 李梁氏

李魏氏 李楊氏 李陳氏 李魏氏

李楊氏 李牛氏 李蔡氏夫名均
未詳

右八年正月分

王汪氏夫死
守節

右九年正月分

孔氏張保
佑妻 錢氏郟士
烈妻 白氏魏連
銀妻 李氏魏連
寶妻

白氏魏連
貴妻 汪氏王某
妻

右年月未詳

王家鈺妻傅氏紅水人年二十五夫亡矢志守節家苦貧藉鍼黹

養姑同治三年陝回海大白等擾永泰川氏奉姑偕里人避居福祿水南山之煤洞洞逼仄魚貫出入不能安鑪竈皆於洞外倚巖支棚以爨氏因姑病思食偶獨出作炊爲賊瞥見環山來索聲言不予卽攻洞洞中人皆惶駭氏乃更換衣履暗藏厨刀出洞口縋而下隨賊上馬行二里許用刀自剗其腹死時年三十有二衆哀其節烈夜舁其屍以歸葬之

方烈女小字芷香紅水人同治四年陝回楊文治等陷紅水堡芷香時年十七隨家人逃匿紅沙巘之山砦賊復破砦芷香奮身投崖死

從九李自西妻安氏紅水人同治四年陝回陷紅水堡時氏年二十八隨自西避難窰洞溝之山砦賊復破砦殺自西豔氏色欲妻之氏曰爾能埋我夫及闔家屍身並釋放被擄之人則惟命是從

甘肅新通志

卷七十六

人物志

列女一

李

賊悉如其言扶氏上馬而行氏見釋放之人皆遠去卽從馬上投澗死

鄭廷芝妻劉氏紅水人被擄欲報夫仇奪刀刺賊遇害

劉宗向妻張氏紅水人同治四年陝回陷紅水堡氏逃匿溝壑賊至欲擄之氏唾罵不已賊怒亂矛刺死時年四十有三

宋懷儒妻趙氏紅水人同治五年陝賊陷吉祥寨氏與女玉蓮服毒未死賊突入氏急起以刀劈賊首玉蓮時年十七亦執厨刀相助賊格之母女俱被害

周東來妻馬氏紅水人夫亡苦節自守同治五年陝回陷鎮虜堡氏泣告木主從容殉難時年四十有六

石生彩母林氏紅水人夫亡矢志守節撫孤生彩成立同治五年陝回陷鎮虜堡氏罵賊至死不絕時年五十有五

彭封妻張氏紅水人同治五年逆回掠贛草溝擄其夫去氏從後追罵賊怒以木釘釘之至死罵不絕口

典史雷永和妻馬氏紅水人年二十六夫亡撫孤闈成立守節四十餘年卒

王有師妻劉氏紅水人年二十一夫赴西域無耗氏撫育夫姪守節五十餘年卒

苟謙妻張氏紅水人年二十九夫亡孝奉老姑撫孤成立守節四十九年卒

張宗祝妻馮氏紅水人年三十夫亡家貧值回亂撫三子永圖永固永因成立永因入武庠艱苦備嘗守節終身

李生浚妻閻氏紅水人年二十五夫亡孝奉翁姑撫孤成立守節四十餘年卒

甘肅新通志

卷七十六

人物志 列女一

三

附同治間回亂殉難烈女表

張氏 楊福基妻 李氏 盧長廉妻 王氏 王維善母 盧氏 王維善妻守節抱子同殉

陳氏 王己丑妻 高氏 王秉齡妻 吳氏 王秉良妻 高氏 王五十三妻

林氏 王秉魁妻 盧氏 王福娃妻 劉氏 王秉順妻 楊氏 王原官妻

全氏 王財姓妻 崔氏 王克俊妻 趙氏 王秉剛妻 滕氏 王秉讓妻

楊氏 王克堂母 姚氏 王克堂妻 銀墩兒 一對兒 並王鎖姓女

拴姐兒 王秉強女 唐氏 魏承平母 綠姐兒 魏承平女 劉氏 王周得妻

右五年三月分

楊氏 米得禧妻 劉奉兒 米得禧孫女 陳氏 米進法妻 陸氏 梁效聖妻

魏氏 梁來來妻 米氏 梁萬聖妻 龔氏 梁萬信妻 陸氏 梁三來妻

右五年十月分

張氏 吳永延妻

右六年八月分

王氏張茂德妻 楊氏生員姚英妻

右六年九月分

趙氏生員李增基母 周氏李增基妻 靳氏李兆基妻

右九年九月分

李氏生員靳增輝妻 申氏武生李得炯妻 陳氏李得炯媳 蕭氏武生李得典妻

張氏李得典媳幼子太平同殉

右十年十二月分

丁氏生員楊高林母 楊氏武生王廷棟母合家十七口同殉難

右十一年九月分

